

後漢書卷二十六

梁

刻

令劉

昭補并注

五行志第十六

五行四

地震

大風拔樹

山崩

地陷

牛疫

五行傳曰治宮室飾臺榭內淫亂犯親戚侮父兄則稼

穡不成謂土失其性而為災也又曰思心不容是謂不

聖厥咎霧厥罰恒風厥極凶短折時則有脂夜之妖時

則有華孽時則有牛禍時則有心腹之痾時則有黃眚

黃祥惟金水木火沴土華孽劉歆傳為羸蟲之孽謂螟

屬也

世祖建武二十二年九月郡國四十二地震南陽尤甚
地裂壓殺人其後武谿蠻夷反爲寇害至南郡發荊州
諸郡兵遣武威將軍劉尙擊之爲夷所圍復發兵赴之
尙遂爲所沒
章帝建初元年三月甲申山陽東平地地震
和帝永元四年六月丙辰郡國十三地震春秋漢含孳
曰女主盛臣制命則地動圻畔震起山崩淪是時竇太
后攝政兄竇憲專權將以是受禍也後五日詔收憲印
綬兄弟就國逼迫皆自殺

五年二月戊午隴西地震儒說民安土者也將大動行

大震九月匈奴單于於除難犍叛遣使發邊郡兵討之
七年九月癸卯京都地震儒說奄官無陽施猶婦人也
是時和帝與中常侍鄭眾謀奪竇氏權德之因任用之
及幸常侍蔡倫二人始並用權

九年三月庚辰隴西地震閏月塞外羌犯塞殺略吏民
使征西將軍劉尙擊之

安帝永初元年郡國十八地震李固曰地者陰也法當
安靜今乃越陰之職專陽之政故應以震動是時鄧太
后攝政專事訖建光中太后崩安帝乃得制政於是陰
類並勝西羌亂夏連十餘年

二年郡國十二地震

三年十二月辛酉郡國九地震

四年三月癸巳郡國四地震

五年正月丙戌郡國十地震

七年正月壬寅二月丙午郡國十八地震

元初元年郡國十五地震

二年十一月庚申郡國十地震

三年二月郡國十地震十一月癸卯郡國九地震

四年郡國十三地震

五年郡國十四地震

六年二月乙巳京都郡國四十二地震或地坼裂涌水
敗壞城郭民室屋壓人冬郡國八地震

永甯元年郡國二十三地震

建光元年九月己丑郡國三十五地震或地坼裂壞城
郭室屋壓殺人是時安帝不能明察信宮人及阿母聖
等讒云破壞鄧太后家於是專聽信聖及宦者中常侍
江京樊豐等皆得用權

延光元年七月癸卯京都郡國十三地震九月戊申郡
國二十七地震

二年京都郡國三十二地震

三年京都郡國二十三地震是時以讒免太尉楊震廢太子

四年十月丁巳京都郡國十六地震時安帝既崩閻太后攝政兄弟閻顯等並用事遂斥安帝子更徵諸國王子未至中黃門遂誅顯兄弟

順帝永建三年正月丙子京都漢陽地震漢陽屋壞殺人地坼涌水出是時順帝阿母宋娥及中常侍張昉等用權

陽嘉二年四月己亥京都地震是時爵號宋娥爲山陽君

四年十二月甲寅京都地震

永和二年四月庚申京都地震是時宋娥構姦誣罔五月事覺收印綬歸田里十一月丁卯京都地震是時太尉王龔以中常侍張昉等專弄國權欲奏誅之時龔宗親有以楊震行事諫之止云

三年二月乙亥京都金城隴西地震裂城郭室屋多壞壓殺人閏月己酉京都地震十月西羌二千餘騎入金城塞爲涼州害

四年三月乙亥京都地震

五年二月戊申京都地震

後漢書卷二十六 五行志
四 川 上
建康元年正月涼州都郡六地震從去年九月以來至
四月凡百八十日震山谷坼裂壞敗城寺傷害人物三
月護羌校尉趙沖爲叛胡所殺九月丙午京都地震是
時順帝崩梁太后攝政欲爲順帝作陵制度奢廣多壞
吏民冢尙書樂巴諫事太后怒癸卯詔書收巴下獄欲
殺之丙午地震於是太后乃出巴免爲庶人

桓帝建和元年四月庚寅京都地震九月丁卯京都地
震是時梁太后攝政兄冀持權至和平元年太后崩然
冀猶秉政專事至延熹二年乃誅滅
三年九月己卯地震庚寅又震

元嘉元年十一月辛巳京都地震

二年正月丙辰京都地震十月乙亥京都地震

永興二年二月癸卯京都地震

永壽二年十二月京都地震

延熹四年京都右扶風涼州地震

五年五月乙亥京都地震是時桓帝與中常侍單超等謀誅除梁冀聽之並使用事專權又鄧皇后本小人性行無恆苟有顏色立以爲后後卒坐執左道廢以憂死八年九月丁未京都地震

靈帝建甯四年二月癸卯地震是時中常侍曹節王甫

等皆專權

嘉平二年六月地震

六年十月辛丑地震

光和元年二月辛未地震四月丙辰地震靈帝時宦者

專恣

二年三月京兆地震

三年自秋至明年春酒泉表氏地八十餘動涌水出城

中官寺民舍皆頓縣易處更築城郭

獻帝初平二年六月丙戌地震

興平元年六月丁丑地震

和帝永元元年七月會稽南山崩會稽南方大山也
京房易傳曰山崩陰乘陽弱勝強也劉向以爲山陽君
也水陰民也君道崩壞百姓失所也劉歆以爲崩猶地
也是時竇太后攝政兄竇憲專權

七年七月趙國易陽地裂京房易傳曰地裂者臣下分
離不肯相從也是時南單于眾乖離漢軍追討

十二年夏閏四月戊辰南郡秭歸山高四百丈崩填谿
殺百餘人明年冬至蠻夷反遣使募荊州吏民萬餘人
擊之

元興元年五月癸酉右扶風雍地裂是後西羌大寇涼

州

殤帝延平元年五月壬辰河東恒山崩是時鄧太后專

政秋八月殤帝崩

安帝永初元年六月丁巳河東楊地陷東西百四十步

南北百二十步深三丈五尺

六年六月壬辰豫章員谿原山崩各六十三所

元初元年三月巳卯日南地坼長百八十二里其後三

年正月蒼梧鬱林合浦盜賊羣起劫略吏民

二年六月河南雒陽新城地裂

延光二年七月丹陽山崩四十七所

三年六月庚午巴郡閬中山崩

四年十月丙午蜀郡越巂山崩殺四百餘人丙午天子會日也是時閻太后攝政其十一月中黃門孫程等殺江京立順帝誅閻后兄弟明年閻后崩

順帝陽嘉二年六月丁丑雒陽宣德亭地坼長八十五丈近郊地時李固對策以爲陰類專恣將有分離之象所以附郊城者是上帝示象以誠陛下也是時宋娥及中常侍各用權分爭後中常侍張逵遽政與大將軍梁商爭權爲商作飛語欲陷之

桓帝建和元年四月郡國六地裂水涌出井溢壞寺屋

殺人時梁太后攝政兄冀枉殺李固杜喬

三年郡國五山崩

和平元年七月廣漢梓潼山崩

永興二年六月東海胸山崩冬十二月泰山琅邪盜賊羣起

永壽三年七月河東地裂時梁皇后兄冀秉政桓帝欲自由內患之

延熹元年七月乙巳左馮翊雲陽地裂

三年五月戊申漢中山崩是時上寵恣中常侍單超等
四年六月庚子泰山博尤來山判解

八年六月丙辰緱氏地裂

永康元年五月丙午雒陽高平永壽亭上黨泫

上元氏

地各裂是時朝臣患中常侍王甫等專恣冬桓帝崩明年竇氏等欲誅常侍黃門不果更爲所誅

靈帝建甯四年五月河東地裂十二處裂合長十里百七十步廣者三十餘步深不見底

和帝永元五年五月戊寅南陽大風拔樹木

安帝永初元年大風拔樹是時鄧太后攝政以清河王子年少號精耳故立之是爲安帝不立皇太子勝以爲安帝賢必當德鄧氏也後安帝親讒廢免鄧氏令郡縣

迫切死者八九人家至破壞此爲瞽瞍也是後西羌亦
大亂涼州十有餘年

二年六月京都及郡國四十八大風拔樹

三年五月癸酉京都大風拔南郊道梓樹九十六枚

七年八月丙寅京都大風拔樹

元初二年二月癸亥京都大風拔樹

六年夏四月沛國勃海大風拔樹三萬餘枚

延光二年三月丙申河東潁川大風拔樹六月壬午郡

國十一大風拔樹是時安帝親讒曲直不分

三年京都及郡國三十六大風拔樹

靈帝建甯二年四月癸巳京都大風雨雹拔郊道樹十圍已上百餘枚其後晨迎氣東郊道於雒水西橋逢暴風雨道鹵簿車或發蓋百官霑濡還不至郊使有司行禮迎氣西郊亦壹如此

中平五年六月丙寅大風拔樹

獻帝初平四年六月右扶風大風發屋拔木

中興以來脂夜之妖無錄者

章帝七八年間郡縣大螟傷稼語在魯恭傳而紀不錄也是時章帝用竇皇后讒害宋梁二貴人廢皇太子

靈帝熹平四年六月宏農三輔螟蟲爲害是時靈帝用

中常侍曹節等讒言禁錮海內清英之士謂之黨人

中平二年七月三輔螟蟲爲害

明帝永平十八年牛疫死是歲遣竇固等征西域置都護戊己校尉固等適還而西域叛殺都護陳睦戊己校尉關寵於是大怒欲復發興討會秋明帝崩是思心不容也

章帝建初四年冬京都牛大疫是時竇皇后以宋貴人子爲太子寵幸令人求伺貴人過隙以讒毀之章帝不知竇太后不善厥咎霜也或曰是年六月馬太后崩土功非時興故也

後漢書卷二十六

後漢書卷二十七

梁剡

命劉昭補并注

五行志第十七

五行五

射妖龍蛇孽人化死復生

馬禍人病

五行傳曰皇之不極是謂不建

尚書大傳皇作王鄭元曰王君也不名體而言

王者五行事象五行則王極象天也天變化為陰為陽覆

成五行經曰厯象日月星辰敬授民時論語曰為政以

德譬如北辰是則天之道於人政也孔子說春秋曰政

以不由王出不得為政則王君出政之號也極中也建

立也王象天以情性覆成五事為中和之政也王政不

中和則是不能立其事也古文尚書皇極皇建其有極

孔安國曰大中之道大立其有中謂行九疇之義厥咎

馬融對策曰大中之道在天為北辰在地為八君厥咎

眊尚書大傳作瞽鄭元曰瞽與思心之咎同耳故傳曰

眊眊亂也君臣不立則上下亂矣字林曰少精曰

眊厥罰恒陰鄭元曰王極象天天陰厥極弱鄭元曰天

氣失故於人為弱易說亢龍之行曰貴而無位高而時

無民賢人在下位而無輔此之謂弱或云懦不敬也時

則有射妖鄭元曰射王極之度也射人將發矢必先於

廷度之出則應於時則有龍蛇之孽鄭元曰龍蟲之生

民心射其象也於淵行無形遊於

天者也屬天蛇龍之類時則有馬禍鄭元曰天行健馬

也或曰龍無角者曰蛇時則有馬禍畜之疾行者也屬

王時則有下人伐上之病鄭元曰夏侯勝說伐宜為代

極書亦或作代陰陽之神曰精

氣情性之神曰魂魄君行不由常併張無度則是魂魄

傷也王極氣失之病也天於不中之人恒耆其毒增以

為病將以開賢代之也春秋傳所謂奪伯時則有日月

有魄者是也不名病者病不著於身體也時則有日月

亂行星辰逆行鄭元曰亂謂薄食鬪並見逆謂縮反明

武事兵革則日月經天守合之類也太公六韜曰人主好

薄食太白失行皇君也極中也眊不明也說云此診

天也不言沴天者至尊之辭也春秋王師敗績以自敗

爲文

恒陰中興以來無錄者

臣昭案本傳陽嘉二年郎顛上書云正月以來陰闇連日久陰

不雨亂氣也得賢不用猶久陰不雨也

靈帝光和中雒陽男子夜龍以弓箭射北闕吏收考問

辭居貧負責無所聊生因買弓箭以射近射妖也

風俗通曰

龍從兄陽求臘錢龍假取繁數頗厭患之陽與錢于龍

意不滿欲破陽家因持弓矢射元武東闕三發吏士呵

縛首服因是遣中常侍尚書御史中丞直事御史謁者

衛尉司隸河南尹雒陽令悉會發所劾時爲太尉議曹

掾白公鄧盛夫禮設闕觀所以飾門章於至尊懸諸象

魏示民禮法也故車過者下步趨今龍乃敢射闕

意慢事醜次於大逆宜遣主者參問變狀公曰府不主

盜賊當與諸府相候劭曰丞相邴吉以爲道路死傷旣

往之事京兆長安職所窮逐而住車問牛喘吐舌者豈
 輕人而貴畜哉頗念陰陽不和必有所害掾史爾乃悅
 服漢書嘉其達大體今龍所犯然中外奔波邴吉防患
 太豫况於己形昭晰者哉明公既處宰相大任加掌兵
 戎之職凡在荒裔謂之大事何有近目下而致逆節之
 萌者孔子攝魯司寇非常卿也折僭溢之端消纖介之
 漸從政三月惡人走境邑門不闔外收強齊侵地內虧
 三桓之威區區小國尙於趣舍大漢之朝焉可無乎明
 公恬然謂非已詩云儀刑文王萬國作孚當為人制法
 何必取法於人於是公意大悟遣令史謝申以鈴下規
 應掾自行之還具條奏時靈帝詔報
 惡惡止其身龍以重論之陽不坐
 其後車騎將軍何

苗與兄大將軍進部兵還相猜疑對相攻擊戰於闕下

苗死兵敗殺數千人雒陽宮室內人燒盡
應劭曰龍者陽類君之象

也夜者不明之應也此其象也

安帝延光三年濟南言黃龍見歷城琅邪言黃龍見諸

是時安帝聽讒免太尉楊震震自殺又帝獨有一子以爲太子信讒廢之是皇不中故有龍孽是時多用佞媚故以爲瑞應明年正月東郡又言黃龍二見濮陽

桓帝

于竇搜神記曰桓帝即位有大蛇見德陽殿上雒陽市令淳于翼曰蛇有鱗甲兵之象也見於省中

將有椒房大臣受甲兵之誅也乃棄官遁去到延熹二年誅大將軍梁冀捕治宗屬揚兵京師也

七年六月壬子河內野王山上有龍死長可數十丈

松書曰長可百餘丈襄楷以爲夫龍者爲帝王瑞易論大人天鳳

中黃山宮有死龍漢兵誅莽而世祖復興此易代之徵

也至建安二十五年魏文帝代漢臣昭曰夫屈申躍見變化無方非顯死之

體橫強之畜易况大聖實類君道野王之異豈桓帝將崩之表乎妖等占殊其例斯眾苟欲附會以同天鳳則

帝涉三主年踰五十此
為迂闊將恐非徵矣

永康元年八月巴郡言黃龍見時吏傅堅以郡欲上言

丙白事以為走卒戲語不可太守不聽嘗見堅語云時

民以天熱欲就池浴見池水濁因戲相恐此中有黃龍

語遂行人間聞郡欲以為美故言時史以書帝紀桓帝

時政治衰缺而在所多言瑞應皆此類也又先儒言瑞

興非時則為妖孽而民訛言生龍語皆龍孽也

熹平元年四月甲午青蛇見御坐上是時靈帝委任宦

者王室微弱

楊賜諫曰皇極不建則有龍蛇之孽詩云惟虺惟蛇女子之祥宮抑皇甫之權割豔

妻之愛則蛇變可消者也案張奐傳建甯二年夏青蛇見御坐軒前奐上疏諫蕃竇武未被明宥妖告之來皆

爲此也敦煌實錄曰蛇長六尺夜於御前當軒而見

更始二年二月發雒陽欲入長安司直李松奉引車奔觸北宮鐵柱門三馬皆死馬禍也時更始失道將亡

桓帝延熹五年四月驚馬與逸象突入宮殿近馬禍也

是時桓帝政衰缺

靈帝光和元年司徒長史馮巡馬生人

風俗通曰巡馬生胡子問養馬

胡蒼頭乃好此馬以生子

京房易傳曰上亡天子諸侯相伐厥妖馬

生人後馮巡遷甘陵相黃巾初起爲所殘殺而國家亦

四面受敵其後關東州郡各舉義兵卒相攻伐天子西

移王政隔塞其占與京房同

光和中雒陽水西橋民馬逸走遂齧殺人是時公卿大臣及左右數有被誅者

安帝永初元年十一月戊子民轉相驚走棄什物去廬舍

靈帝建甯三年春河內婦食夫河南夫食婦臣昭曰案此二食夫

妻不同在河南北每見死異斯豈怪妖復有徵乎河者經天巨地之水也河內河之陽也夫婦參配陰陽判合成體今以夫之尊在河之陽而陰承體卑吞食尊陽將非君道昏弱無居剛之德遂為陰細之人所能消毀乎河南河之陰河視諸侯夫亦惟家之主而自食正內之人時宋皇后將立而靈帝一聽閹宦無所厝心夫以宮房之愛惡亦不全中懷抱宋后終廢王甫挾姦陰中列侯實應厥位天戒若曰徒隨閹豎之意夫噉其妻乎
熹平二年六月雒陽民訛言虎賁寺東壁中有黃人形

容鬚眉良是觀者數萬省內悉出道路斷絕

應劭時為郎風俗通

曰劭故往視之何在其有人也走漏汗處賦赭流漉壁
有他剝數寸曲折耳劭又通之曰季夏土黃中行用事
又在壁中壁亦土也以見於虎賁寺者虎賁國之祕兵
扞難禦侮必示於東東者動也言當出師行將天下搖
動也天之以類告人甚於影響也到中平元年二月張角兄弟起兵冀

州自號黃天三十六方四面出和將帥星布吏士外屬

因其疲餒牽而勝之

物理論曰黃巾被服純黃不將尺
兵肩長衣翔行舒步所至郡縣無

不從是日
天大黃也

光和元年五月壬午何人白衣欲入德陽門辭我梁伯

夏教我上殿為天子中黃門桓賢等呼門吏僕射欲收

縛何人吏未到須臾還走求索不得不知姓名時蔡邕

以成帝時男子王褒絳衣入宮上前殿非常室曰天帝
令我居此後王莽篡位今此與成帝時相似而有異被
服不同又未入雲龍門而覺稱梁伯夏皆輕於言以往
况今將有狂狡之人欲為王氏之謀其事不成其後張

角稱黃天作亂竟破壞風俗通曰光緒四年四月南宮

白衣中黃門解步呵問汝何等入宮掖曰我

梁伯夏後天使我為天子步欲前收取因忽不見劾曰

尚書春秋左傳曰伯益禹治水封於梁颺叔安有裔

子曰董父實甚好龍龍多歸之帝舜嘉之賜姓董氏董

氏之祖與梁同焉到光熹元年董卓自外入因問乘鸞

廢帝殺后百官總已號令自由殺戮決前威重於土梁

本安定而卓隴西人俱涼州也天戒若曰卓不當專制

奪矯如白衣無宜闌入宮也白衣見黃門寺及卓之末

中黃門誅滅之際事類如此可謂無平袁山松曰案張

角一時狡亂不足致此大妖斯乃曹氏滅漢之徵也案

劭所述與志或有不同年月舛異故俱載焉臣昭注曰
檢觀前通各有未直尋梁卽魏地之名伯夏明於中夏
非溥天之稱以內臣孫夫得稱王徵驗有應有若符契
復云伯夏教我爲天子後曹公曰若天命在吾吾爲周
文王矣此乃魏文帝受我成策而陟帝位也
風俗通云見中黃門寺曹騰之家尤見其證

二年雒陽上西門外女子生兒兩頭異肩共胸俱前向
以爲不祥墮地棄之自此之後朝廷霧亂政在私門上
下無別二頭之象後董卓戮太后被以不孝之名放廢
天子後復害之漢元以來禍莫踰此

四年魏郡男子張博送鐵盧詣太官博上書室殿山居
屋後宮禁落屋謹呼上收縛考問辭忽不自覺知

臣昭注曰魏

人入宮旣奪漢之徵至後宮而謹呼終亦禍廢母后

中平元年六月壬申雒陽男子劉倉居上西門外妻生男兩頭共身

靈帝時江夏黃氏之母浴而化為龍入于深淵其後時

出見初浴簪一銀釵及見猶在其首

臣昭曰黃者代漢之色女人臣妾之

體化為龍龍者元也入于深淵水實制火夫君德尊陽利見九五飛在天乃備光盛俯等龜龍有愧潛躍首從戴銀卑弱未盡後帝者王不專權極天德雖謝蜀猶傍纘推求斯異女為曉著矣

獻帝初平中長沙有人姓桓氏死棺斂月餘其母聞棺

中聲發之遂生占曰至陰為陽下人為上其後曹公由

庶士起

建安四年二月武陵充縣女子李娥年六十餘物故以

其家杉木樁斂瘞於城外數里上巳十四日有行聞其

塚中有聲便語其家家往視聞聲便發出遂活

干寶搜神記曰

武陵充縣女子李娥年六十餘病死埋於城外已十四

日娥比舍有蔡仲開娥富謂殯當有金寶盜發塚剖棺

斧數下娥於棺中言曰蔡仲汝護我頭驚遽便出走會

為吏所見遂收治依法常棄市娥兒聞來迎出娥將去

武陵太守聞娥死復生召見問事狀娥對曰聞謬為司

命所召到得遣出過西門適見外兄劉伯文為相勞問

涕泣悲哀娥語曰伯文一日誤見召今得遣歸既不知

道又不能獨行為我得一伴不又我見召在此已十餘

日形體又當見埋藏歸當那得自出伯文曰當為問之

即遣門卒與戶曹相問司命一日誤召武陵大女李娥

今得遣還娥在此積日尸喪又當殯斂當作何等得出

又女弱獨行豈當有伴邪是吾外妹幸為便安之答曰

今武陵西男民李黑亦得遣還便可為伴輒令黑過勅

娥比舍蔡仲令發出娥也於是娥遂得與伯文別伯
文曰書一封以與兒佗娥遂與黑俱歸事狀如此太守
慨然嘆曰天下事真不可知也乃表以為蔡仲雖發塚

爲鬼神所使雖欲無發勢不得已宜加寬宥詔書報可
 太守欲驗語虛實即遣馬吏於西界推問李黑得之黑
 語協乃致伯文書與佗佗識其紙乃是父亡時送箱中
 文書也表文字猶在也而書不可曉乃請費長房讀之
 曰告佗當從府君出案行當以八月八日日中時武陵
 城南溝水畔頓汝是時必往到期悉將大小於城南待
 之須臾果至但聞人馬隱隱之聲詣溝水便聞有呼聲
 曰佗來汝得我所寄李娥書不邪曰即得之故來至此
 伯文以次呼家中大小問之悲傷斷絕曰死生異路不
 能數得汝消息吾亡後兒孫乃爾許人良久謂佗曰來
 春大病與此一丸藥以塗門戶則辟來年妖厲矣言訖
 忽去竟不得見其形至前春武陵果大病白日見鬼唯
 伯文之家鬼不敢向費長房視藥曰此方相臨也博物
 記曰漢末關中大亂有發前漢宮人家者宮人猶活既
 出平復如舊魏郭后愛念之錄置宮內常在左右問漢
 時宮中事說之了皆有次緒郭后崩哭泣哀過遂死
 漢末發范明友奴家奴猶活明友霍光女婿說光家事
 廢立之際多與漢書相應此奴常遊走居民間無正住
 處遂不在
 知所在

七年越嵩有男化為女子時周羣上言哀帝時亦有此異將有易代之事至二十五年獻帝封于山陽

建安中女子生男兩頭共身

安帝元初六年夏四月會稽大疫

公羊傳曰大灾者何大瘠也大瘠者何痾

也何休曰民疾疫也邪亂之氣所生古今注曰光武建武十三年楊徐部大疾疫會稽江左甚案傳鍾離意為督郵建武十四年會稽大疫案此則頻歲也古今注曰二十六年郡國七大疫

延光四年冬京都大疫

張衡明年上封事臣竊見京師為害兼所及民多病死死有滅

戶人人恐懼朝廷焦心以為至憂臣聞國之大事在祀祀思任防救未知所由夙夜征營臣聞國之大事在祀祀莫大於郊天奉祖方今道路流言僉曰孝安皇帝南巡路崩從駕左右行慝之臣欲徵諸國王子故不發喪衣車還宮偽遣大臣並禱請命臣處外官不知其審然尊靈見罔豈能無怨且凡大私小有不蠲猶為譴謫况以

大穢用禮郊廟孔子曰曾謂泰山不如林放乎天地明
 察降禍見災乃其理也又問者有司正以冬至之後奏
 開恭陵神道陛下至孝不忍距逆或發冢移尸月令仲
 冬土事無作慎無發蓋及起大眾以固而閉地氣上泄
 是謂發天地之房諸蟄則死民必疾疫又隨以喪厲氣
 未息恐其殆此二年欲使知過改悔五行傳曰六沴作
 見若時共禦帝用不差神則不怒萬福乃降用章于下
 臣愚以為可使公卿處議所以陳術改過取媚神祇自
 求多福也

桓帝元嘉元年正月京都大疫二月九江廬江大疫

延熹四年正月大疫 太公六韜曰人主好重賦役大
 宮室多臺遊則民多病瘟也

靈帝建甯四年三月大疫

熹平二年正月大疫

光和二年春大疫

五年二月大疫

中平二年正月大疫

獻帝建安二十二年大疫

魏文帝書與吳質曰昔年疾疫親故多離其災魏陳思王

常說疫氣云家家有強尸之痛室室有號泣之哀或闔門而殮或舉族而喪者

靈帝光和元年六月丁丑有黑氣墮北宮溫明殿東庭

中黑如車蓋起奮訛身五色有頭體長十餘丈形貌似

龍上問蔡邕對曰所謂天投蜺者也不見足尾不得稱

龍易傳曰蜺之比無德以色親也潛潭巴曰虹出后如

陰脅王者又曰五色迭至照于宮殿有兵革之事演孔

圖曰天子外苦兵威內奪臣無忠則天投蜺

案邕集稱曰演孔圖

曰蜺者斗之精也失度投蜺見態主惑變不空生占不

於毀譽合誠圖曰天子外苦兵者也

空言色見進陵尊踰制以昭變象若羣臣有所毀譽聖

意低迴未知誰是兵戎未息威權漸移忠言不聞則虹

蜺所在生也抑內寵任中正決毀譽分直邪各得其所

勒守衛整武備威權之機不以假人則其救也先是立皇后何氏皇后每齋當

謁祖廟輒有變異不得謁中平元年黃巾賊張角等立

三十六方起兵燒郡國山東七州處處應角遣兵外討

角等內使皇后二兄為大將統兵其年宮車宴駕皇后

攝政二兄秉權譴讓帝母永樂后令自殺陰呼并州牧

董卓欲共誅中官中官逆殺大將軍進兵相攻討京都

戰者塞道皇太后母子遂為太尉卓等所廢黜皆死天

下之敗兵先興於宮省外延海內二三十歲其殃禍起

自何氏

袁山松書曰是年七月虹晝見御
坐玉堂後殿前庭中色青赤也

後漢書卷二十七

五行志

後漢書卷二十八

梁 劉 昭補并注

五行志第十八

五行六

日蝕 日中黑 日抱 日赤無光 日黃珥

光武帝

古今注曰建武元年正月庚辰建武二年正月甲午朔日有蝕之即更始三年

子朔日有食之在危八度

杜預曰歷家之說謂日光以望時遙奪月光故月蝕日月

同會月奄日故日蝕蝕有上下者行有高下日光輪存而中食者相奄密故日光溢出皆既者正相當而相奄間疏也然聖人不言月蝕日而以自蝕為文闕於所不見春秋潛潭巴云甲子蝕有兵敵強臣昭案春秋緯六旬之蝕各以甲子為說此偏舉一隅未為通證故於事驗不盡相符今依日例注以廣其候耳京房占曰北夷大忠臣有謀後日蝕說曰日者太陽之精人君之象君

道有虧為陰所乘故蝕蝕者陽不克也其候雜說漢書

五行志著之必矣春秋緯曰日之將蝕則斗第二儒說

諸侯專權則其應多在日所宿之國春秋漢含孳曰臣

鉤命決曰失義不德白虎不出禁或逆枉矢射山崩日

蝕管子曰日掌陽月掌陰星掌和陽為德陰為刑和為

事是故日蝕則失德之國惡之月蝕則失刑之國惡之

彗星見則失和之國惡之是故聖王日蝕則修德月蝕

則修刑彗星見則修和諸象附從則多為王者事人君改修其德

則咎害除孝經鉤命決曰日是時世祖初興天下賊亂

未除虛危齊也賊張步擁兵據齊上遣伏隆諭步許降

旋復叛稱王至五年中乃破命應

三年五月乙卯晦日有蝕之潛潭巴曰乙卯蝕雷不行

在柳十四度柳河南也時世祖在雒陽赤眉降賊樊崇

謀作亂其七月發覺皆伏誅古今注曰四年五月

六年九月丙寅晦日有蝕之潛潭巴曰丙寅蝕久旱多有徵京房曰丙寅蝕久旱多

史官不見郡以聞本紀都尉在尾八度朱浮上疏以郡

動所致見浮傳

七年三月癸亥晦日有蝕之潛潭巴曰癸亥日蝕天人

在晦行疾也君亢急臣下促迫在畢五度畢為邊兵秋隗囂反侵安定

冬盧芳所置朔方雲中太守各舉郡降古今注曰九年

年六月癸丑十二月辛亥竝日有蝕之

十六年三月辛丑晦日有蝕之潛潭巴曰辛丑在昴七

度昂爲獄事時諸郡太守坐度田不實世祖怒殺十餘人然後深悔之

十七年二月乙未晦日有蝕之

潛潭巴曰乙未蝕天下多邪氣鬱鬱蒼蒼京房

曰君責眾庶暴害之

在胃九度胃爲廩倉時諸郡新坐租之後天

下憂怖以穀爲言故示象或曰胃供養之官也其十月廢郭皇后詔曰不可以奉供養

二十二年五月乙未晦日有蝕之在柳七度京都宿也柳爲上倉祭祀穀也近輿鬼輿鬼爲宗廟十九年中有一司奏請立近帝四廟以祭之有詔廟處所未定且就高廟祫祭之至此三年遂不立廟有簡墮心奉祖宗之道

有闕故示象也

二十五年三月戊申晦日有蝕之

潛潭巴曰戊申蝕地動搖侵兵強一日主

兵弱諸侯強

在畢十五度畢為邊兵其冬十月以武谿蠻夷

為寇害伏波將軍馬援將兵擊之

古今注曰二十六年二月戊子日有蝕之

盡

二十九年二月丁巳朔日有蝕之

潛潭巴曰丁巳蝕下有敗兵

在東

壁五度東壁為文章一名姬訾之口先是皇子諸王各

招來文章談說之士去年中有人上奏諸王所招待者

或真偽雜受刑罰者子孫宜可分別於是上怒詔捕諸

王客皆被以苛法死者甚多世祖不早為明設刑禁一

時治之過差故天示象世祖於是改悔遣使悉理侵枉也

三十一年五月癸酉晦日有蝕之潛潭巴曰癸酉蝕連陰不解淫雨毀山有

兵在柳五度京都宿也自二十一年示象至此十年後

二年宮車晏駕

中元元年十一月甲子晦日有蝕之在斗二十度斗為

廟主爵祿儒說十一月甲子時王日也又為星紀主爵

祿其占重

明帝永平三年八月壬申晦日有蝕之潛潭巴曰壬申蝕水滅陽潰陰

欲在氏二度氏為宿宮是時明帝作北宮古今注曰四年八月丙寅

時加未日有蝕之五年二月乙未朔日有蝕之京師候
者不覺河南尹郡國三十一上六年六月庚辰晦日有
蝕之時雒陽
候者不見

八年十月古今注曰壬寅晦日有蝕之既潛潭巴曰王
十二月寅蝕天下苦

兵大臣在斗十一度斗吳也廣陵於天文屬吳後二年
驕橫

廣陵王荆坐謀反自殺

十三年十月古今注曰甲辰晦日有蝕之潛潭巴曰甲
閏八月辰蝕四騎脅

大在尾十七度京房占曰主后壽
命絕後有大水

十六年五月戊午晦日有蝕之潛潭巴曰戊午在柳十
蝕久旱穀不傷

五度儒說五月戊午猶十一月甲子也又宿在京都其

占重後二歲宮車晏駕

十八年十一月甲辰晦日有蝕之在斗二十一度是時

明帝既崩馬太后制爵祿故陽不勝

章帝建初五年二月庚辰朔日有蝕之

潛潭巴日庚辰蝕彗星東至有

寇兵在東壁八度例在前建武二十九年是時羣臣爭經

多相非毀者

又別本云庚辰蝕大旱

六年六月辛未晦日有蝕之

潛潭巴日辛未蝕大水

在翼六度翼

主遠客冬東平王蒼等來朝明年正月蒼薨

古今注曰元和元年

九月己未日有蝕之

元和元年八月乙未晦日有蝕之史官不見佗官以聞

日在氏四度

星占曰天下災期三年

和帝永元二年二月壬午日有蝕之潛潭巴曰壬午史蝕久雨旬望

官不見涿郡以聞日在奎八度京房占曰三公與諸侯相賊弱其君王天應而

日蝕三公失國後旱且水臣昭以為三公幸輔之位即竇憲

四年六月戊戌朔日有蝕之潛潭巴曰戊戌蝕有土殃主后死天下諒陰京房占

日婚嫁家欲戮在七星二度主衣裳又曰行近軒轅在左角為

太后族是月十九日案本紀庚申幸北宮詔捕憲等庚申是二十二日上免太

后兄弟竇憲等官遣就國選嚴能相於國威迫自殺

七年四月辛亥朔日有蝕之潛潭巴曰辛亥蝕子為雄在觜觶為葆

旅主收斂儒說葆旅宮中之象收斂貪妬之象是歲鄧

貴人始入明年三月陰皇后立鄧貴人有寵陰后妬忌

之後遂坐廢一日是將入參參伐爲斬刈明年七月越
騎校尉馮柱捕斬匈奴溫禺犢王烏居戰之衆暴烈
十二年秋七月辛亥朔日有蝕之在翼八度荊州宿也
明年冬南郡蠻夷反爲寇
十五年四月甲子晦日有蝕之在東井二十二度東井
主酒食之宿也婦人之職無非無儀酒食是議去年冬
鄧皇后立有丈夫之性與知外事故天示象是年水雨
傷稼

安帝永初元年三月二日癸酉日有蝕之在胃二度胃
主廩倉是時鄧太后專政去年大水傷稼倉廩爲虛
古今

注曰三年三月日有蝕之

五年正月庚辰朔日有蝕之在虛八度正月王者統事

之正日也虛空名也是時鄧太后攝政安帝不得行事

俱不得其正若王者位虛故於正月陽不克示象也於

是陰預乘陽故夷狄並為寇害西邊諸郡皆至虛空

七年四月丙申晦日有蝕之

潛潭巴曰丙申蝕諸侯相攻京房占曰君臣暴虐臣

下橫恣上下相賊後有地動

在東井一度

元初元年十月戊子朔日有蝕之

潛潭巴曰戊子蝕宮室內姪雌必成雄京

房占曰妻欲害夫九族夷滅後有大水

在尾十度尾為後宮繼嗣之宮也

是時上甚幸閭貴人將立故示不善將為繼嗣禍也明

年四月遂立爲后後遂與江京耿寶等共讒太子廢之
二年九月壬午晦日有蝕之在心四度心爲王者明久
失位也

三年三月二日辛亥日有蝕之在婁五度史官不見遼
東以聞

四年二月乙亥朔日有蝕之潛潭巴日乙亥蝕東國發

自益近臣盜竊以爲積天子未知日爲之蝕在奎九度史官不見七郡以聞

奎主武庫兵其十月八日壬戌武庫火燒兵器也

五年八月丙申朔日有蝕之在翼十八度史官不見張

掖以聞潛潭巴日丙申蝕夷狄內攘石氏占曰王者失禮宗廟不親其歲旱

六年十二月戊午朔日有蝕之幾盡地如昏狀古今注

見春秋緯曰日蝕既君行無常公輔不修德夷狄強侵萬事錯在須女十一度女主惡

之後二歲三月鄧太后崩李氏家書司空李邵上書曰

責躬博訪羣下咎皆在臣力小任重招致咎徵去年二

月京師地震今月戊午日蝕夫至尊莫過乎天天之變

莫大乎日蝕地之戒莫重乎震動今一歲之中大異兩

見日蝕之變既為尤深地動之戒搖宮最醜日者陽精

君之象也戊者土主任在中宮午者火德漢之所承地

道安靜法當由陽今乃專恣搖動宮闕禍在蕭牆之內

臣恐宮中必有陰謀其陽下圖其上造為逆也災變終

不虛生推原二異日辰行度甚為較明譬猶指掌宜察

後漢書卷二十八

言地震日蝕在中宮竟有廢
立之謀郤乃自知其言驗也

永甯元年七月乙酉朔日有蝕之

潛潭巴曰乙酉蝕仁義不明賢人消京房

占曰君弱臣強司馬將兵反征其王

在張十五度史官不見酒泉以聞

石氏

占曰日蝕張王者失禮

延光三年九月庚寅晦日有蝕之

京房占曰骨肉相賊後有水

在氏

十五度氏為宿宮宮中宮也時上聽中常侍江京樊豐

及阿母王聖等讒言廢皇太子

四年三月戊午朔日有蝕之在胃十二度隴西酒泉朔

方各以狀上史官不覺

案馬融集是時融為許令其四月庚申自縣上書曰伏讀詔書

陛下深惟禹湯罪己之義歸咎自責寅畏天戒詳延百僚博問公卿知變所自審得厥故修復往術以答天命

臣子遠近莫不延頸企踵苟有隙空一介之知事願自效貢納聖聽臣伏見日蝕之占自昔典籍十月之文春秋傳記漢注所載史官占候羣臣密對陛下所觀覽左右所諷誦可謂詳悉備矣雖復廣問昭在前志無以復加乃者蕪氣干參臣前得敦朴之人後三年二月對策北宮端門以爲參者西方之位其於分野并州是也殆謂西戎北狄其後種羌叛戾烏桓犯上郡并涼動兵驗略效矣今復見大異申誠重譴於此二城海內莫見三桓有悔過之辭將吏策勳之名臣恐受任典牧者苟脫目前皆粗圖身一時之權不顧爲國百世之利論者美近功忽其遠則各相不大疾病伏惟天象不虛老子曰圖難於其易也爲大於其細也消災復異宜在於今詩曰日月告凶不用其行四國無政不用其良傳曰國無政不用善則自取謫于日月之災故政不可不慎也務三而已一日擇人二曰安民三曰從時臣融伏惟方今有道之世漢典設張侯甸采衛司民之吏案繩循墨雖有殿最所差無幾其陷罪辟身自取禍百姓未被其大傷至邊郡牧御失和吉之與凶敗之與成優劣相懸不誠不可審擇其人上以應天變不以安民隸竊見列將

子孫生長京師食仰租奉不知稼穡之艱又希遭阨困故能果毅輕財施與孤弱以獲生死之用此其所長也不拘法禁奢泰無度功勞足以宣威踰濫足以傷化此其所短也州郡之士出自貧苦長於檢押雖專賞罰不敢越溢此其所長也拘文守法遭遇非常狐疑無斷畏首畏尾威恩纖薄外內離心士卒不附此其所短也必得將兼有二長之才無二短之累參以吏事任以兵法有此數姿然後能折衝厭難致其功實轉災為福孔子曰十室之邑必有忠信如邱者焉以天下之大四海之衆云無若人臣以為誣矣宜特選詳譽審得其真鎮守之方以應用良擇人之義以塞大異也

順帝永建二年七月甲戌朔日有蝕之潛潭巴曰甲戌蝕草木不滋王

命不行京房占曰近臣欲戮身及戮辱後小旱在翼九度

陽嘉四年閏月丁亥朔日有蝕之潛潭巴曰丁亥蝕匿謀滿玉堂京房占曰

君臣無別在角五度史官不見零陵以聞案張衡為太史令表奏云今年三月

朔方覺日蝕此郡懼有兵患臣愚以為可勅北邊須塞
郡縣明烽火遠斥候深藏固閉無令穀畜外露不詳是
何年
三月

永和三年十二月戊戌朔日有蝕之在須女十一度史
官不見會稽以聞明年中常侍張達等謀譖皇后父梁
商欲作亂推考達等伏誅也

五年五月己丑晦日有蝕之

潛潭巴日日蝕
己丑天下唱之

在東井三

十三度東井三輔宿又近輿鬼輿鬼為宗廟其秋西羌
為寇至三輔陵園

六年九月辛亥晦日有蝕之在尾十一度尾主後宮繼
嗣之宮也以為繼嗣不興之象

桓帝建和元年正月辛亥朔日有蝕之在營室三度史

官不見郡國以聞是時梁太后攝政

三年四月丁卯晦日有蝕之

潛潭巴曰丁卯蝕有旱有兵京房占曰諸侯欲戮後

有裸蟲之殃

在東井二十三度例在永元十五年東井主法

梁太后又聽兄冀枉殺公卿犯天法也明年太后崩

元嘉二年七月二日庚辰日有蝕之在翼四度史官不

見廣陵以聞

京房占曰庚辰蝕君易賢以剛卒以自傷後有水

翼王倡樂時上

好樂過

阮籍樂論曰桓帝聞琴悽愴傷心倚展而悲慷慨長息曰善乎哉為琴若此一而足矣

永興二年九月丁卯朔日有蝕之在角五度角鄭宿也

十一月泰山盜賊羣起劫殺長吏泰山於天文屬鄭

永壽三年閏月庚辰晦日有蝕之在七星二度史官不見郡國以聞例在永元四年後二歲梁皇后崩冀兄弟被誅甲辰日亦蝕也

延熹元年五月甲戌晦日有蝕之在柳七度京都宿也

梁冀別傳曰常侍徐璜白言臣切見道術家常言漢死在戌亥今太歲在丙戌五月甲戌日蝕柳宿朱雀漢家之貴國宿分周地今京師是也史官上古去重見輕璜召史陳援詰問乃以實對冀怨援不為隱諱使人陰求其短發擿上聞上以亡失候儀不肅有司奏收殺獄中

八年正月丙申晦日有蝕之在營室十三度營室之中女主象也其二月癸亥鄧皇后坐酌上送暴室令自殺家屬被誅呂太后崩時亦然

九年正月辛卯朔日有蝕之

潛潭巴曰辛卯蝕臣代其主

在營室三

度史官不見郡國以聞谷永以為三朝尊者惡之其明

年宮車晏駕

永康元年五月壬子晦日有蝕之

潛潭巴曰壬子蝕在妃后專恣女謀主

輿鬼一度儒說壬子涪水日而陽不克將有水害其八

月六州大水勃海盜賊

靈帝建甯元年五月丁未朔日有蝕之

潛潭巴曰丁未蝕王者崩

十月甲辰晦日有蝕之

二年十月戊戌晦日有蝕之右扶風以聞

三年三月丙寅晦日有蝕之梁相以聞

四年三月辛酉朔日有蝕之

潛潭巴曰辛酉蝕女謀主谷永上書飲酒無節君臣

不別姦邪欲起傳曰酒無節茲謂荒厥異日蝕厥咎亡靈帝好為商估飲於宮人之肆也

熹平二年十二月癸酉晦日有蝕之在虛二度是時中

常侍曹節王甫等專權

蔡邕上書曰四年正月朔日體微傷羣臣服赤幘赴宮門之中

無救乃各罷歸天有大異隱而不宣求御過是已事之甚者

六年十月癸丑朔日有蝕之趙相以聞

谷永上書賦斂滋重不顧黎民

百姓虛竭則日蝕將有潰叛之變

光和元年二月辛亥朔日有蝕之十月丙子晦日有蝕

之在箕四度箕為後宮口舌是月上聽讒廢宋皇后

案本

傳盧植上書丙子蝕自已過午既蝕之後雲霧掩曖陳八事以諫蔡邕對問曰詔問踐阼以來災眚屢見頃歲

日蝕地動風雨不時疫癘流行勁風折樹河雒盛溢臣
聞陽微則日蝕陰盛則地震思亂則風貌失則雨視闇
則疾簡宗廟水不潤下川流滿溢明君臣正上下抑
陰尊陽修五事於聖躬致精慮於共御其救之也

二年四月甲戌朔日有蝕之

四年九月庚寅朔日有蝕之

潛潭巴曰庚寅蝕將相誅大水多死傷

在角

六度

中平三年五月壬辰晦日有蝕之

潛潭巴曰壬辰蝕河決海久霧連陰

六年四月丙午朔日有蝕之其月浹辰宮車晏駕

獻帝初平四年正月甲寅朔日有蝕之在營室四度

潛潭

巴曰甲寅蝕雷電擊殺骨肉相攻

是時李傕郭汜專政

袁宏紀曰未蝕八刻太史令王

立奏曰日晷過度無有變也於是書候焉未晡一刻而蝕尚書賈詡

朝臣皆賀帝密令尚奏曰立伺候不明疑

悞上下太尉周忠職所典掌請皆治罪詔曰天道遠事
驗難明且災異應政而至雖探道知機焉能無失而欲
歸咎史官益重朕之不德也弗從
於是避正殿寢兵不聽事五日

興平元年六月乙巳晦日有蝕之

建安五年九月庚午朔日有蝕之

潛潭巴曰庚午蝕後火燒官兵

六年十月癸未朔日有蝕之

十三年十月癸未朔日有蝕之

潛潭巴曰癸未蝕仁義不明在尾十

二度

十五年二月乙巳朔日有蝕之

十七年六月庚寅晦日有蝕之

二十一年五月己亥朔日有蝕之

潛潭巴曰己亥蝕小人用事君子繫

二十四年二月壬子晦日有蝕之

凡漢中興十二世百九十六年日蝕七十二朔三十二

晦三十七月二日三日

光武建武七年四月丙寅日有暈抱白虹貫暈在畢八

度

古今注曰時日加卯西面東面有抱須臾成暈中有兩鉤在南北面有白虹貫暈在西北南面有背在景

加已皆解也

畢為邊兵秋隗囂反侵安定

皇德傳史曰白虹貫下破軍晉分也

古今注曰章帝建初元年正月壬申白虹貫日五年七月

甲寅夜白虹出乙丑地西北曲入七年四月丙寅日

加卯西面有抱須臾成暈有白虹貫日殤帝延平元年

六月丁未日暈上有半暈暈中外有備背兩珥十二月

丙寅日暈再重中有背僑順帝永建二年正月戊午白

虹貫日三年正月丁酉日有白虹貫交暈中六年正月

丁卯日暈兩珥白虹貫珥中永和六年正月己卯暈兩

珥中赤外青白虹貫暈中案郎顓傳陽嘉二年正月乙

卯白虹貫日又唐檀傳永建五年白虹貫日檀上便宜
三事陳其咎徵春秋元命苞曰陰陽之氣聚為雲氣立
為虹蜺離為倍僑分為抱珥考異郵曰臣謀反徧刺日
坐咸占曰臣不知則日月僑如涪曰蝮蝮謂之虹雌謂
之蜺向外曰倍刺日日僑在傍如半環向日日抱在傍
直對曰珥孟康曰僑如僑也宋均曰黃氣抱日輔臣納
忠

靈帝時日數出東方正赤如血無光高二丈餘乃有景

且入西方去地二丈亦如之

京房占曰國有佞讒朝有

孟康曰日月無光曰薄

其占曰事天不謹則日月赤是時日出入

去地二三丈皆赤如血者數矣

春秋感精符曰日無光主勢奪羣臣以讒術色

赤如炭以急見伐又兵馬發禮斗威儀曰日月赤君喜
怒無常輕殺不辜戮於無罪不事天地忽於鬼神時則
大雨土風常起日蝕無光地動雷降其時不救兵從外
來為賊戮而不葬京房占日日無故日夕無光天下變

枯社稷
移主

光和四年二月己巳黃氣抱日黃白珥在其表

春秋感精符曰

日朝珥則有喪孽又云日已出若其入而雲皆赤黃名曰日空不出三年必有移民而去者也

中平四年三月丙申黑氣大如瓜在日中

春秋感精符曰日黑則水

淫盜

五年正月日色赤黃中有黑氣如飛鵲數月乃銷

六年二月乙未白虹貫日

春秋感精符曰虹貫日天下悉極文法大擾百官殘賊酷

法橫殺下多相告刑用及族世多深刻獄多怨宿吏皆慘毒又曰國多死孽天子命絕大臣為禍主將見殺星

占曰虹蜺主內淫土精填星之變易識曰聰明蔽塞政在臣下婚戚干朝君不覺悟虹蜺貫日

獻帝初平元年二月壬辰白虹貫日

袁山松書曰三年十月丁卯日有重

兩倍吳書載韓馥與袁術書曰凶出於代郡

桓帝永壽三年十二月壬戌月蝕非其月

古今注曰光武建武八年

三月庚子夜月暈五重紫微青黃似虹有黑氣如雲月星不見丙夜乃解中元元年十一月甲辰日中星齒往

人 往出

延熹八年正月辛巳月蝕非其月

袁山松書曰興平二年十二月月在太微

端門中重暈二珥兩白氣廣八九寸貫月東西南北

贊曰皇極惟建五事克端罰咎入沴逆亂浸干火下水騰木弱金酸妖豈或妄氣炎以觀

光武皇帝建武二年己巳歲庚辰月庚午日庚寅時庚辰刻庚申辰
無水銀金鎊致登郊矣燎炎以躡

黃曰皇赫赫修正事矣繼繼答入念然崩斃于火不水

漢門中重舉仁相兩白床

我熹入乎五日辛日民將乘其日

五出

三民民西郊氏隨中武義平十一日甲辰日中星滿

皇帝永壽三年十二月壬亥日鳩兆其民

後漢書卷二十八

五行志

後漢書卷二十八 五行志

後漢書卷二十九

梁

剡

令劉

昭補并注

郡國志第十九

郡國一

司隸

河南

河內

河東

宏農

漢書地理志記天下郡縣本末及山川奇異風俗所出

至矣今但錄中興以來郡縣改異及春秋三史會同征

伐地名

臣昭案志猶有遺闕今衆書所載不可悉記以其春秋土地通儒所據而未備者皆先列焉

爲郡國志

本志唯郡縣名爲大書其山川地名悉爲凡細注今進爲大字新注證發臣劉昭采集

前志有縣名今所不載者皆世祖所并省也前無今有

者後所置也凡縣名先書者郡所治也

帝王世紀曰白

經界之制三皇尚矣諸子稱神農之王天下也地東西

九十萬里南北八十五萬里及黃帝受命始作舟車以

濟不通乃推分星次以定律度自斗十一度至婺女七

度一名須女曰星紀之次於辰在丑謂之赤奮若於律

為黃鍾斗建在子今吳越分野自婺女八度至危十六

度曰元枵之次一名天黿於辰在子謂之困敦於律為

大呂斗建在丑今齊分野自危十七度至奎四度曰系

韋之次一名姬訾於辰在亥謂之大淵獻於律為太蔭

斗建在寅今衛分野自奎五度至胃六度曰降婁之次

於辰在戌謂之闔茂於律為夾鍾斗建在卯今魯分野

自胃七度至畢十一度曰大梁之次於辰在酉謂之作

噩於律為姑洗斗建在辰今趙分野自畢十二度至東

井十五度曰實沈之次於辰在申謂之涿灘於律為中

呂斗建在巳今晉魏分野自井十六度至柳八度曰鶉

首之次於辰在未謂之叶洽於律為蕤賓斗建在午今

秦分野自柳九度至張十七度曰鶉火之次於辰在午

謂之敦牂一名大律於律為林鍾斗建在未今周分野

自張十八度至軫十一度曰鶉尾之次於辰在巳謂之

後漢書卷二十九 郡國志

八又上

大荒落於律為夷則斗建在申今楚分野自軫十二度
 至氏四度日壽星之次於辰在辰謂之執徐於律為南
 呂斗建在酉今韓分野自氏五度至尾九度口大火之
 次於辰在卯謂之單闕於律為無射斗建在戌今宋分
 野自尾十度至斗七度百三十五分而終曰析木之次
 於辰在寅謂之攝提格於律為應鍾斗建在亥今燕分
 野凡天有十二次日月之所躔也地有十二分王侯之
 所國也故四方七宿四七二十八宿合二百八十二
 星東方蒼龍三十二星七十五度北方元武三十五星
 九十八度四分之度之一西方白虎五十一星八十五度南
 方朱雀六十四星百一十二度周天三百六十五度四
 分度之一度二千九百三十二里分為十二次一次
 三十三度三十二分度之十四各以附其七宿間距周天
 積百七萬九百一十三里徑三十五萬六千九百七十
 一里陽道左行故太歲右轉凡中外官常明者百二十
 四可名者三百二十合二千五百星微星之數凡萬一
 千五百二十星萬物所受咸系命焉此黃帝創制之大
 略也而佗說稱日月所照三十五萬里考諸子所載神
 農之地過日月之表近為虛誕及少昊氏之衰九黎亂
 德其制無聞矣泊顓頊之所建帝嚳受定則孔子稱其

地北至幽陵南暨交趾西蹈流沙東極蟠木日月所照
 莫不底焉是以建萬國而制九州至堯遭洪水分為十
 二州今虞書是也及禹平水土還為九州今禹貢是也
 是以其時九州之地凡二千四百三十萬八千二百四
 頃定墾者九百二十萬八千二百四頃不墾者千五百
 萬二千頃民口千三百五十五萬三千九百二十三
 人至于塗山之會諸侯承唐虞之盛執玉帛亦有萬國是
 以山海經稱禹使大章步自東極至于西垂二億三萬
 三千三百里七十一步又使豎亥步南極北盡於北垂
 二億三萬三千五百里七十五步四海之內則東西二
 萬八千里南北二萬六千里出水者八千里受水者八
 千里名山五千三百五十五經六萬四千五百六十六
 里出銅之山四百六十七出鐵之山三千六百九以財用儉
 則有餘奢則不足以男女耕織不奪其時故公家有窮
 十年之積私家有九年之儲及夏之衰棄稷弗務有窮
 之亂少康中興乃復禹迹孔甲之至桀行暴諸侯相兼
 逮湯受命其能存者三千餘國方於塗山十損其七民
 離毒政將亦如之殷因於夏六百餘載其問損益書策
 不存無以考之又遭紂亂至周克商制五等之封凡千
 七百七十三國又滅湯時千三百矣民衆之損將亦如

之及周公相成王致治刑錯民口千三百七十一萬四千九百二十三人多禹十六萬一千人周之極盛也其後七十餘歲天下無事民彌以息及昭王南征不反穆王失荒加以幽厲之亂平王東遷三十餘載至齊桓公二年周莊王之十三年五千里內非天王九嬪之御自世子公侯以下至於庶民凡千百八十四萬七千人除有土老疾定受田者九百萬四千人其後諸侯相并當春秋時尚有千二百國二百四十二年之中殺君三十六亡國五十二諸侯奔走不得保社稷者不可勝數至於戰國存者十餘於是縱橫短長之說相奪於時殘民詐力之兵動以萬計故峭有匹馬之禍宋有易子之急晉陽之圍縣釜而炊長平之戰血流漂鹵周之列國唯存燕衛秦楚而已齊及三晉皆以篡亂南面稱王衛雖得存不絕若綫然考蘇張之說計秦及山東六國戎卒尚存五百餘萬推民口數尚當千餘萬及秦兼諸侯置三十六郡其所殺傷三分居二猶以餘力行參夷之刑收大半之賦北築長城四十餘萬南戍五嶺五十餘萬阿房驪山七十餘萬十餘年間百姓死沒相踵于路陳項又肆其餘烈故新安之坑二十餘萬彭城之戰睢水不流至漢祖定天下民之死傷亦數百萬是以平城之

卒不過三十萬方之六國五損其二自孝惠至文景與
 民休息六十餘歲民衆大增是以太倉有不食之粟都
 內有朽貫之錢武帝承其資蓄軍征三十餘歲地廣萬
 里天下之衆亦減半矣及霍光秉政乃務省役至于孝
 平六世相承雖時征行不足大害民戶又息元始二年
 郡國百三縣邑千四百八十七地東西九千三百二里
 南北萬三千三百六十八里定魏田八百二十七萬五
 百三十六頃民戶千三百二十三萬三千六百一十二
 口五千九百一十九萬四千九百七十八人多周成王
 四千五百四十八萬五千五百七十八人極盛也及王莽篡
 位續以更始赤眉之亂至光武中興百姓虛耗十有二
 存中元二年民戶四百二十七萬千六百三十四口二
 千一百萬七千八百二十人永平建初之際天下無事
 務在養民迄于孝和民戶滋殖及孝安永初元初之間
 兵饑之苦民人復損至于孝桓頗增於前永壽二年二
 千六百七萬九百六十五千六萬六千八百五十六人
 墾田亦多單師屢征及靈帝遭黃巾獻帝卽位而董卓
 興亂大焚宮廟劫御西遷京師蕭條豪傑並爭郭汜李
 傕之屬殘害又甚是以興平建安之際海內凶荒天子
 奔流白骨盈野故陝津之難以箕撮指安邑之東后裳

不完遂有寇戎雄雌未定割剝庶民三十餘年及魏武
皇帝尅平天下文帝受禪人衆之損萬有一存景元四
年與蜀通計民戶九十四萬三千四百二十三口五百
三十七萬二千八百九十一人又案正始五年揚威將
軍朱照日所上吳之所領兵戶九十三萬二千推其民
數不能多蜀矣昔漢永和五年南陽戶五十餘萬汝南
戶四十餘萬方之於今三帝鼎足不踰二郡加有食祿
復除之民凶年饑疾之難見可供役裁若一郡以一郡
之人供三帝之用斯亦勤矣自禹至今二千餘載六代
損益備於茲焉臣昭案謚記云春秋時有千二百國未
知所出班固云周之始爵五而土三蓋千八百國轉
相吞滅數百年間列國耗盡至春秋時尚有數十

河南尹

秦三川郡高帝更名世祖都雒陽建武十五年
改曰河南尹應劭漢官曰尹正也郡府聽事壁

諸尹畫贊肇自建武訖于陽嘉注其清濁進退所謂不
隱過不虛譽甚得述事之實後人是瞻足以勸懼雖春
秋采毫毛之善貶纖介之惡不
避王公無以過此尤著明也

二十一城永和五年戶

二十萬八千四百八十六口百一萬八百二十七

杜預曰縣東南有圍鄉又有大解城左傳昭二十二年

西南有戎城伊維之戎晉師次于解杜預

曰縣西南有河南帝王世紀曰城西有邾鄆陌太康

大解小解畝于有維之表今河之南本傳有

員犢周公時所城雒邑也春秋時謂之王城鄭元詩譜

政五年成王宅雒邑使召公先相宅既成謂之王城博

物記曰王城方七百二十丈郭方一十里南望雒水北

至陝山地道記曰去雒城四十里左傳東城門名鼎門

定八年單子伐穀城杜預曰在縣西

帝王世紀曰東南門九鼎所從入又曰武北城門名乾

王定鼎雒陽西南雒水九鼎中觀是也

祭左傳昭二十四年士伯立於乾祭皇覽曰城

城西南有甘泉有蒯鄉左傳昭二十三年尹辛攻蒯晉

梁故國伯翳後有陽人聚史記曰秦滅東

左傳哀四年楚為一有注城史記曰魏文侯四十二年

昔之期襲梁及霍

有注城敗秦于注博物記曰梁伯

有注城敗秦于注博物記曰梁伯

有注城敗秦于注博物記曰梁伯

有注城敗秦于注博物記曰梁伯

有注城敗秦于注博物記曰梁伯

好土功今

梁多有城

榮陽有鴻溝水文穎曰於榮陽下引河東南為鴻溝即官渡水也

有廣武城

西征記曰有三皇山或謂三室山上有二城東者曰東廣武西者曰西廣武各在山一

頭相去二百餘步其間隔深澗漢祖與項籍語處

有號亭號叔國有隴城

左傳文二

年盟于垂隴

有薄亭有敖亭

周宣王狩于敖左傳宣十二年晉師在敖郟之間秦立為敖倉

有費澤

左傳宣十二年楚潘黨逐魏錡及榮杜預曰縣東榮澤也

卷

左傳成十年晉鄭盟修澤

杜預曰縣東

有長城經陽武到密

史記蘇秦說襄王曰大王有長城大王之西有長城

之有垣離城或曰古衡雍

史記無忌謂魏王曰王有鄭地得垣雍者也杜預曰即是

衡雍又今

有扈城亭

左傳莊二十三年盟于扈杜預曰在縣西北

原武

陽武

有武疆城史記曰曹參攻武疆秦始皇東遊至陽武博浪沙中為盜所驚

中牟

左傳宣元

年諸侯救鄭遇于北林杜預

有圃田澤

左傳曰原圃爾雅十藪鄭有圃

田有清口水左傳閔二年遇于清有管城杜預曰管國

北漢書音義有曲遇聚前書曹參有蔡亭左傳開封哀十

四年逢澤有介麋杜預曰在縣苑陵有棐林左傳宣

東會于棐林杜預曰縣東有林鄉徐齊民北征記曰縣

東南有大隧澗鄭莊公所闕又大城東臨濮水水東溱有瑣侯

西臨洧水有制澤左傳宣十年諸侯遷於制有瑣侯

亭于瑣杜預曰縣西有瑣侯亭平陰穀城瀍水出

出潛亭山有函谷關西征記曰函谷左右絕緱氏左

日呂相絕秦伯殄滅我費滑杜預曰滑國都於費今緱

有鄔聚左傳王取鄔劉杜有轅轅關瓚曰險道名鞏伯國左傳曰商湯有景亳之命杜預曰縣西南有湯

在縣東北有尋谷水左傳昭二十三年王師晉師圍鄆

三十里之口徐廣曰有東訾聚今名訾城左傳昭二十三年單

縣有尋口日有東訾聚今名訾城左傳昭二十三年單

西南晉地道記有坎埒聚左氏周襄王出國人納之坎

日在縣之東有坎埒聚埒杜預曰在縣東地道記在

南有黃亭有湟水左傳昭二十三年王猛居于有明

谿泉賈辛軍于溪泉成臯史記曰成臯北門名玉

杜預曰北制一名虎牢亦即此縣也穆天子傳曰七萃

之士生搏虎而獻天子命為柙而畜之東號是日虎牢

左傳曰鄭子皮勞晉韓宣子于索氏杜預曰縣東有大

索城尚書禹貢至于大嘔張揖云成臯縣山又有旋門

坂縣西南十有旃然水左傳襄十八年有瓶邱聚有漫

里見東京賦楚伐鄭次旃然有瓶邱聚有漫

水有汜水左傳曰周襄京鄭共叔所居左傳云謂之

楚漢戰京索北密春秋時曰新城杜預曰一名密僖六年

征記又有索水密諸侯圍新城杜預曰一名密僖六年

密諸侯圍新城杜預曰一名密僖六年

密諸侯圍新城杜預曰一名密僖六年

密諸侯圍新城杜預曰一名密僖六年

有大騶山山海經曰大騶之山其陰多鐵多美堊有草焉狀如蒼而毛青華而白實其各曰猿服者

不有梅山左傳曰襄十八年楚伐鄭右迴梅山在縣西北有陘山史記魏襄王六年伐楚敗

之陘山秦破魏華陽地亦在縣杜預遺令曰山上有冢或曰子產邪東北向新鄭城不忘本也新城

左傳曰文十七年周敗戎于郊垂杜預曰縣北有垂亭史記秦遷西周公於黽狐徐廣曰與陽人聚相近在雒

陽南百五十里梁新城之間有高都城史記蘇代說韓相與周者有廣成聚

有廣成鄭聚古鄭氏今名蠻中左傳昭十六年楚殺鄭成苑

城又祭遵獲張滿也匠師帝王世紀曰帝嚳所都殷盤庚復南亳是為西亳皇覽曰北有臯繇祠又

曰有湯亭有尸鄉帝王世紀曰尸鄉春秋時曰尸氏左

昭二十六年劉人敗子朝之新鄭詩鄭國祝融墟皇

師于尸氏前書田橫自殺處黃帝之都有鄭國平十八

河內郡 高帝置雒陽北百二十里 十八城戶十五萬九千七百七十

口八十萬一千五百五十八 懷有隰城 左傳曰王取鄭隰城杜預

曰在縣西南傳又曰郤至與周爭 河陽 左傳曰王與鄭盟杜預曰

縣南 有湛城 軹 左傳曰王以蘇忿生田向與 有原鄉

孟津 有湛城 軹 左傳曰王以蘇忿生田向與 有原鄉

左傳曰王與鄭原杜預 有淇梁 左傳曰襄十六年諸侯會淇梁 波有

有太行山 山海經曰其上有金玉下有碧有獸焉其狀如麋而四角馬尾而有距其名曰驪還酈食

其說曰杜太行之 有射犬聚 世祖破青犢也 有邗城 史記曰紂道韋昭曰在縣北

侯鄂侯為三公徐廣曰鄂一作邗武王子封在縣西北 溫蘇子所都濟水出王

莽時大旱遂枯絕 皇覽曰縣郭東濟水南有號公冢 州 平阜有邠

邱故邢國周公子所封

臣瓚曰邱名也非國在襄國西

有李城

史記曰邱鄆李

同郤秦兵趙封其父李侯徐廣曰卽此城

山陽邑有雍城

杜預曰古雍國在縣西

有

蔡城

蔡叔邑此猶鄭管城之類乎

武德

獲嘉侯國

脩武故南

陽秦始皇更名有南陽城

左傳僖四年晉文公圍南陽史記曰自起攻韓南陽太行

道絕之山海經曰太行之山清水出焉郭璞曰修武縣北黑山亦出清水

陽樊攢茅田

服虔曰樊

仲山之所居故名陽樊杜預曰縣西北有攢城左傳曰定元年魏獻子田大陸杜預曰西北吳澤也

有小

脩武聚

春秋曰甯史記曰高祖得韓信軍小脩武晉灼曰在城東

有隕城

左傳隱十一年以隕

與鄭共本國淇水出

前志注曰水出北山博物記曰有奧水流入淇水有綠竹草

有

汎亭

凡伯

汲

晉地道記曰有銅關

朝歌

有鹿腹山

紂所都居

帝王世紀

曰紂糟邱酒池肉林在城西前書注曰鹿臺在城中

南有牧野

去縣十里

北有邶國

南有甯鄉

史記無忌說魏安釐王曰通韓上黨於其甯徐廣曰有甯鄉左傳曰襄二十三年救晉次

雍榆杜預曰縣東有雍城是也

蕩陰有羨里城

韋昭曰羨音酉文王所拘處

林

慮故隆慮殤帝改有鐵

徐廣曰洹水所出蘇秦合諸侯盟處班叔皮遊居賦亦曰漱余

馬乎洹泉嗟西伯於爚城

河東郡

秦置雒陽西北五百里博物記曰有山澤近鹽沃土之民不才漢興少有名人大衣冠三世皆

衰絕也 二十城戶九萬三千五百四十三口五十七萬八

百三 安邑

帝王世紀曰縣西有鳴條陌湯伐桀戰昆吾亭左傳昆吾與桀同日亡地道記咸山

南有鐵有鹽池

前志曰池在縣西南魏都賦注曰在猗氏六十四里楊佺期雜陽記曰河東鹽

池長七十里廣七里水氣紫色有別鄉鹽四面刻如印齒文章字妙不可述

楊有高梁亭

左傳曰僖九年晉懷公死高梁杜預曰在縣西南地道記有梁城去縣五十里叔嚮邑也

平陽侯

國也左傳曰成七年諸侯盟馬陵杜預曰衛地有鐵堯都

此晉地堯城臨汾賈鄉賈伯邑有董亭左傳曰晉改

董亭有汾陰博物記曰古有介山郭璞爾雅注曰縣

有水口如車輪許瀆沸涌蒲坂有雷首山史記曰趙

息桑下有餓人示昧明縣南二十里有歷山舜所耕處

又伯夷叔齊隱於首陽山馬融曰在蒲坂華山之北河

曲之有沙邱亭左傳曰文十二年秦晉戰河曲杜預曰

大陽有吳山上有虞城杜預曰虞國也帝王世紀曰

城史記秦昭王伐魏取吳城即此城也皇有下陽城號

覽曰盜跖冢臨河博物記曰傅巖在縣北有下陽城邑

左傳僖二年虞晉所有茅津左傳曰秦伐晉遂自茅津

滅縣東北三十里有茅津濟杜預曰在縣西南有茅

亭即有顛輪坂左傳曰入自顛輪博物記曰在縣鹽池

後漢書卷二十一

北 解 左傳曰咎犯與秦晉大夫盟於郇杜預 有桑泉

城 左傳僖二十四年晉文公入 有白城 左傳曰晉文公

杜預曰在縣東南博物記曰白季邑縣 有解城 左傳僖

西 北 卑 耳 山 縣 西南 齊桓公西代所登 有解城 十五年

及 解 梁 賂 秦 內 有瑕城 左傳文十二年秦侵晉及瑕 皮

氏 有 耿 鄉 尚書祖乙徙耿左傳閔元年晉滅耿杜 有鐵

有 冀 亭 左傳僖二年晉荀息曰冀為不道杜預曰國

聞 喜 邑 博物記曰縣東北有乾河口但史記曰伐韓到乾河郭

傳 曰 僖 三十一年晉蒐 本曲沃 晉相去六七百里見毛

清 源 杜 預 曰 在 縣 北 董董澤之蒲 有稷山亭 縣西

注 詩 譜 有董池陂古董澤 董董澤之蒲 有稷山亭 縣西

里 左 傳 曰 宣 十 五 有涑水 左傳呂相絕秦 有洮水 絳

年 晉 侯 治 兵 于 稷 有涑水 左傳呂相絕秦 有洮水 絳

邑縣西有絳邑城有翼城左傳隱五年曲沃伐翼永

安故彘史記曰周穆王封造父趙城徐廣曰陽嘉三年

更名杜預曰縣東有霍大山爾雅曰西南之美者有霍

元年晉滅霍杜預曰縣東北有霍大山史記曰原過受

神人書稱余霍大山山陽侯天吏也又蜚廉於山得石

棺仍河北詩魏國有韓亭猗氏地道記曰左傳文

葬也垣有王屋山史記曰魏武侯二年城王

東北垣有壺邱亭左傳襄元年晉討宋五大夫寘諸有邵亭

博物記曰縣東九里有郟邵之阨襄陵晉地道記

賈季迎公子樂于陳趙孟殺諸郟邵有壺口山禹

徙此北屈北傳曰屈產之乘有駿馬有壺口山貢

日壺口治有采桑津左傳僖八年晉敗狄于采桑蒲

梁及岐有采桑津杜預曰縣西南有采桑津

史記卷一百一十五

子城左傳曰晉文公居蒲 漢澤侯國有析城山前志曰在縣西

南端氏史記曰趙韓魏分晉封晉端氏

宏農郡武帝置其二縣建武十五年屬雒陽西南四百五十里 九城戶四萬六千

八百一十五口十九萬九千一百一十三 宏農故秦

函谷關左傳曰號公敗戎于桑田亭 燭水出前志出衡山嶺下谷 有

枯樅山本傳赤眉立盆子於鄭 有桃邱聚故桃林左傳曰守

桃林之塞博物記曰 有務鄉赤眉破李松處 有曹陽亭史記曰章邯殺

周章于曹陽晉灼曰縣東十三里 陝史記曰自陝以西召公主之自

又獻帝東歸敗處曹公改曰好陽 有焦城故焦國

公主之周本號仲國杜預曰號都上陽 有焦城史記曰

武王封神農有陝陌博物記二 鼃池穀水出前志曰

伯所分

出穀陽

谷

有二嶠

新安澗水出

博物記曰西漢水出新安入
雒又有孝水見潘岳西征賦

宜陽

有金門山
竹為律管

陸渾西有號略地

左傳僖十五年
晉侯賂秦

東盡

號略杜預曰從河
曲南行而東盡故號

盧氏有熊耳山

山海經曰其
上多漆其下

多櫻浮豪之水出焉西北流
注于雒其中多美玉多人魚

伊水清水出

晉地道記伊
東北入雒

湖故屬京兆

前志有
鼎湖

有闔鄉

皇覽曰戾太子南出葬
在闔鄉南秦又改曰甯

秦

華陰故屬京兆

史記曰魏文侯三十六年齊侵陰
晉前志曰高帝改曰華陰呂氏春

秋九藪云秦之華陽高誘曰或在華陰西誘又
曰桃林縣西長城是也晉地道記曰潼關是也

有太華

山

左傳晉賂秦南及華山山海經曰太華之山削成而
四方其高五千仞其廣十里鳥獸莫居有蛇焉名曰

肥蠶

六足四翼見則天下大旱武王放馬牛於桃
林墟孔安國曰在華山東晉地道記山在縣西南

京兆

尹秦內史武帝改其四縣建武十五年屬雒陽西
九百五十里決錄注曰京大也天子曰兆民

十城戶五萬三千二百九十九口二十八萬五千五百

七十四 長安高帝所都 漢舊儀曰長安城方亦十三里經緯各長十五里十三城

門九百七十二頃城中皆屬長安令辛氏三秦記曰長

安地皆黑壤城中今赤如火堅如石父老所傳盡鑿龍

首山為城皇覽曰衛思后葬鎬在上林苑中 孟康曰長

城東南桐松園今千人聚是鎬在 安西南有

鎬池秦始皇江神反璧曰為吾遺鎬池君古史考曰武

王遷鎬長安豐亭鎬池也皇覽曰文王周公豕皆在鎬

聚東有細柳聚 前書周亞 有蘭池 史記曰秦始皇微行

杜中 夫所屯處 有蘭池 夜出逢盜蘭池三秦

記曰始皇引渭水為長池東西二百 有曲郵 前書高帝

里南北三十里刻石為鯨魚二百丈 有曲郵 征黥布張

良送至 有杜郵 史記曰白起死處三秦記曰長安城西

曲郵 有杜郵 史記曰白起死處三秦記曰長安城西

北 有杜郵 史記曰白起死處三秦記曰長安城西

霸陵有枳道亭 前書秦王子嬰降於軹 有長門亭

前書文帝出長門若見 杜陵 唐杜氏也 艷在西南 杜

五人於道北立五帝壇 杜陵 唐杜氏也 艷在西南 杜

曰在鄠縣東決錄注曰鎬在鄠水

鄭史記殺商君鄭

於此黃圖云下邳縣

新豐有驪山

杜預曰古驪戎國

山故號驪戎三秦記曰始皇墓在

山北有始皇祠不齋

戒往即疾風暴雨人理欲上則杳冥失道縣西有白鹿

案關中圖

東有鴻門亭

前書高帝

縣南有新豐原白鹿在霸陵

東有鴻門亭

見項羽處

孟康曰在縣東七十里舊大道北下坂口

及戲亭

周幽

處蘇林曰縣有嚴城

藍田出美玉

三秦記曰有川方

東南四十里

漢戶五萬口有十七

道記有虎侯山

長陵故屬馮翊

蔡邕作樊陵頌云前

萬王莽後十不存一

商故屬宏農

帝初元年羌戎作虐至光和領戶

不盈四千園陵蕃衛

帝王世紀曰契所封也

左傳哀四

事堪其

商故屬宏農

年將通於少習杜預曰少習縣東

關之武

上雒侯國有豕領山雒水出故屬宏農

山海經

出護舉之山案史記云雒水出熊耳山海經曰雒出王城南至相谷西東北流去虎牢城西四十里注河口謂

之雒有菟和山左傳哀四年楚有蒼野聚年楚左師軍

蒼野杜預陽陵故屬馮翊

左馮翊秦屬內史武帝分改名雒陽西六百十三城戶

三萬七千九十口十四萬五千一百九十五潘岳關中記曰三輔

舊治長安城中長吏各在其縣治民光武高陵池

東都之後扶風出治槐里馮翊出治高陵高陵池

陽爾雅十藪周有焦穫郭璞曰縣瓠中是也地道記有

陽城與地雲陽有荆山帝王世紀曰禹鑄鼎於荆山

記不同在馮翊懷德之南今其下荆渠也

蓮勺 重泉 臨晉本大荔有河水祠有芮鄉古芮國與

祓祦永元九年復 頻陽 萬年帝王世紀曰秦獻

虞相有王城史記曰秦厲恭公伐大荔取其王城卽此

讓者有王城城也左傳晉陰館甥與秦伯盟王城杜預

日後改爲武郟陽永平二年復夏陽有梁山詩云

鄉在縣東梁山在縣西北公羊傳曰河陽之山杜預曰龍門山書

古梁山國史記曰日本少梁爾雅曰梁山晉望也龍門山書

導河積石厯龍門太史公曰遷生龍門韋昭

日在縣北博物記曰有韓原韓武子采邑

年晉敗秦于彭衙皇覽曰有蒼粟邑永元九年復

頡冢在利陽亭南墳高六丈

右扶風秦屬內史武帝分改十五城戶萬七千三百五

十二口九萬三千九十一槐里周曰犬邱又名廢邱

都郟所高帝改安陵皇覽曰縣西北武王家平陵茂陵

鄠古扈豐水出左傳曰康有鄠宮之朝杜預有甘亭帝

戰于甘又南山有王季冢鄠有郟亭史記曰封棄

出焉郭璞曰漆水出岐山詩云自之沮漆地道有鐵杜
記曰水在縣西皇覽曰有師曠豕名師曠山詩譜曰周原者
曰幽國在東北帝王世紀曰有幽亭杜陽永和二年復岐山陽地屬杜
陽地形險阻而原田肥美

右司隸校尉部郡七縣邑侯國百六

漢書舊儀曰司隸治所故

孝武廟魏志曰曹公分關中置漢興郡國游楚爲
太守獻帝起居注曰中平六年省扶風都尉置漢
安郡鎮雍渝麋杜
陽陳倉汧五縣也

後漢書卷二十九

此山有... 此山有... 此山有...

此山有... 此山有... 此山有...

此山有... 此山有... 此山有...

此山有... 此山有... 此山有...

此山有... 此山有... 此山有...

此山有... 此山有... 此山有...

此山有... 此山有... 此山有...

此山有... 此山有... 此山有...

此山有... 此山有... 此山有...

此山有... 此山有... 此山有...

後漢書卷二十九考證

郡國志一以爲郡國志注本志唯郡縣名爲大書其山川地名悉爲細注今進爲大字新注證發臣劉昭采集○臣召南按舊注旣進爲大字則每遇縣名自不應連書監本或斷或續殊欠分曉今悉間一字以別之

郡所治也注北方元武三十五星九十八度四分度之

一○臣召南按蒼龍元武白虎朱雀各言星度之數

下言周天三百六十五度四分度之一不應於北方星度獨言四分度之一也四分度之一五字自是衍

文 則 漢 言 四 八 變 之 一 也 四 八 變 之 二 正 字 自 景 帝

又元始二年郡國百三縣邑千四百八十七○臣召

南 按前漢書地理志縣邑千三百一十四道三十二

侯國二百四十一然則合計有千五百八十七也本

文四百應是五百之訛又前書民戶千二百二十三

萬三千六十一此作千三百二十三萬三千六十一

前書口五十九萬四千九百七十八此作一十九萬

四千九百七十八今蓋誤大守漢書地理志引國別

梁故國伯翳後注有陽人聚史記曰秦滅東周不絕其

祀以陽人地○臣召南 按秦本紀曰以陽人地賜周

君此脫二字

楊有高梁亭注左傳曰僖九年晉懷公死高粱○

臣召

南

按志引左傳紀年多訛晉文公入國而後殺懷公

於高粱是僖公二十四年事

宏農郡注其二縣建武十五年屬○

臣召南

按郡國志

改隸之縣各於縣名下云故屬某此與京兆尹獨於

郡下言之蓋劉昭注有詳畧也

宏農故秦函谷關注左傳曰虢公敗戎于桑田杜預曰

在縣東北桑田亭○

臣世駿

按此注應有關文與函

谷關不相屬

臣召南

按此錯簡當在下陝有陝陌之

下杜預左傳注云桑田號地在宏農陝縣東北蓋舊志陝有桑田亭而劉昭引此文為注也故秦函谷關燭水出本應連書證以前志自明但前志云衡山頽下谷燭水所出此注又訛為衡山耳

湖有闔鄉注秦又改曰甯秦○臣召南按此注六字亦

錯簡當在下華陰注高帝改曰華陰之上證以前志

自明

杜陵○說文杜陵有甍鄉附袁切志失載

藍田○說文藍田有吧鄉苦后切志失載

後漢書卷二十九考證

後漢書卷三十

梁 刻

令劉 昭補并注

郡國志第二十

郡國二

豫州

潁川 汝南 梁國 陳國 魯國

冀州

魏郡 鉅鹿 常山 中山 清河 趙國 勃海 安平

潁川郡

秦置 雜陽東 南五百里

十七城戶二十六萬三千四百四

十口百四十三萬六千五百一十三

陽翟禹所都

書禹都陽城古史考曰鄭厲公入櫟即此也有鈞臺左

晉地道記云去雜陽三百八十六里屬河南有鈞臺左 日夏啓有鈞臺之享杜預曰有鈞臺左 有高氏亭左 年衛侵鄭至

高氏杜預有雍氏城左傳襄十八年楚伐鄭侵雍梁村

日縣西南有雍氏城預曰在縣東北史記齊潛王十二年

年攻魏楚襄有養陰里襄城左傳定四年盟臯鼫

圍雍氏襄有養陰里襄城杜預曰縣東南有城

亭有西不羹杜預曰有不羹城有汜城杜預曰在縣南有汾邱

左傳襄十八年楚治兵於汾有魚齒山左傳謂魚陵杜

杜預曰縣東北有汾邱城有魚齒山預曰魚齒山也

縣北在犍昆陽有湛水左傳襄十六年楚公定陵有東

不杜預曰縣西北有不羹亭地舞陽邑鄆臨

穎穎陽穎陰左傳文九年楚伐鄭師於狼淵杜預

音奉皇帝璽綬策書禪帝位於魏是文帝繼王位南巡

在穎陰有司乃為壇於穎陰庚午登壇魏相國華歆跪

受璽綬以進於王王既受畢降壇視燎成禮而反帝王

世紀云魏文帝登禪于曲蠡之繁陽亭為縣曰繁昌亦

禹貢豫州之域今許之封內今穎川繁昌是也北征記

日城在許之南七十里東有臺高七丈方五十步臺南

有壇高二丈方三十步即受終之壇也
案北征記云是外黃縣繁昌城非也
有狐宗鄉或曰

古狐人亭有岸亭
史記魏哀王五年秦伐魏
許左傳

十八年楚伐鄭鄭奔桐邱杜預曰縣
東北有桐邱城獻帝徙都改許昌
新汲左傳文元年衛孔達

七年伐齊至曲洹杜預曰縣治曲洹城
臨洹水
隰陵

春秋時曰隰
鄭叔段所保故曰克段於鄆又成十六
年晉敗楚於隰陵李奇曰六國曰安陵

長社有長葛城
左傳隱五年宋伐鄭圍長葛縣本名
長葛地
道記曰社中樹暴長漢改名

向鄉
左傳襄十一年諸侯師
有蜀城有蜀津
史記曰魏

韓趙合軍
伐魏蜀澤
陽城帝王世紀曰陽
有嵩高山
山海經謂

山禹貢有外方山鄭元毛詩譜云外方之山即嵩也
孟子曰益避禹之子於箕山之陰注云嵩高之北
洧

水潁水出
晉地道記曰潁
有鐵有負黍聚
史記曰周敬

水出陽乾山
有鐵有負黍聚
王十九年鄭

伐負黍馮敬通賦遇許由於負黍山也

父城有應鄉杜預曰應國在西南史記曰客謂周

最以應為秦王太后養地

輪氏建初四年置

汝南郡高帝置雒陽東南六百五十里三十七城戶四十萬四千四百

四十八口二百一十萬七百八十八平輿有沈亭故

國姬姓有華亭見說文新陽侯國西平有鐵有柏亭故柏

國上蔡本蔡國南頓本頓國汝陰本胡國杜預曰縣

西北有胡城地道記有陶邱鄉詩所謂汝墳汝陽新息國北宜春

潁強侯國濯陽期思有蔣鄉故蔣國陽安道亭

故國杜預曰在縣南袁山松書有朔山魏氏春秋曰初平三年分二縣置陽安都尉項故國左傳

僖十七年魯所滅地道記曰有公路城袁術所築西華細陽安城侯國

有武城亭

吳房有棠谿亭

左傳曰房國楚靈王所滅又楚封吳夫概王於棠谿

地道記

有吳城 鮑陽侯國

皇覽曰縣有葛陂鄉城東北有楚武王冢民謂之楚王岑永平中葛

陂城北祝里社下於土中得銅鼎而銘曰楚武王之冢民傳言秦項赤眉之時欲發之輒頽壞厭不得發

慎陽

慎

新蔡有大呂亭

地道記曰故呂侯國左傳昭四年吳伐楚入櫟杜預

曰縣東北有櫟亭

安陽侯國有江亭故國羸姓

富波侯國

永元中復

宜祿永元中復

朗陵侯國

左傳成六年楚拒晉桑隧

杜預曰縣東有桑里亭

弋陽侯國有黃亭故黃國羸姓

召陵

左傳昭十三年楚蔡公與子干子皙盟于鄧杜預曰縣西南有鄧城

有陘亭

左傳僖四年齊伐楚次陘

杜預曰在縣南蘇秦說

有安陵鄉

征羌侯國有安陵

亭

史記无忌說魏安釐王曰王之使者出過而惡安陵氏於秦博物記曰故安陵君也

思善侯

國 宋公國周名鄆邱漢改為新鄆章帝建初四年徙

宋公於此有繁陽亭

左傳襄四年楚師繁陽杜預曰鮑陽南有繁陽亭

襄信

侯國有賴亭故國

史記楚封王孫勝白亭杜預曰襄信縣有白亭

原鹿侯國

春秋左氏傳僖二十一年宋盟鹿上杜預曰原鹿縣也

定潁侯國

固始侯國

故寢也光武中興更有寢邱

史記曰楚莊王封孫叔敖子又蒙恬破楚軍

山桑侯國故屬沛有下城父聚有垂惠聚

蘇茂奔垂惠王劉紆

城父故屬沛春秋時曰夷

夷屬陳左傳僖二十三年楚所取有乾谿在縣南

有章華臺

杜預曰章華宮在華容縣城內

梁國

秦碭郡高帝改其三縣元和元年屬雒陽東南八百五十里

九城戶八萬三千

三百口四十三萬一千二百八十三

下邑

左傳哀七年築黍邱

杜預曰縣西
南有黍邱亭
睢陽北征記曰城周三十七里南臨滅

築城十二里小鼓唱節
本宋國闕伯墟有盧門亭
左傳

四年宋伐鄭取太宮之椽為盧門之椽
昭二十一年敗
吳鴻口杜預曰縣東有鴻口亭地道記曰昭二十一年

禦諸橫橫
有魚門左傳僖二十二年邾
有陽梁聚左傳

亭在縣南
二年楚伐宋師陽梁杜預曰有梁亭僖二十八年楚子
玉夢河神謂己曰吾賜汝孟諸之麋杜預曰在縣東北

爾雅十藪
虞有空桐地有桐地有桐亭
左傳哀二十

宋有孟諸
死空
有綸城少康邑
碭山出文石
史記曰高祖隱於

桐
間有陳
蒙
帝王世紀曰有北亳
有蒙澤
左傳宋萬殺

勝墓
澤僖二年齊侯盟貫杜預曰縣
有蒙澤
宋閔公於蒙

西北有貫城貫字與貫字相似
穀熟有新城
左傳曰

年諸侯會新城帝
有邳亭
古邳
隰故屬陳留
甯陵

王世紀有南亳
有邳亭
古邳
甯陵

故屬陳留

左傳成十六年會沙隨
杜預曰縣北有沙隨亭

有葛鄉故葛伯國

左傳

曰在縣

薄故屬山陽所都

杜預曰蒙縣西北有薄城
中有湯冢左傳宋公子御

說奔亳其西
又有微子冢

沛國

秦泗川郡高帝改雒陽東南千二百里

二十一城戶二十萬四百九

十五口二十五萬一千三百九十三

相左傳桓十五年會于袤杜

預曰在縣西

蕭本國

北征記城周十四里南臨汙水

沛有泗水亭

亭有高祖碑班固為文見固集地
道記有許城左傳定八年鄭伐許

豐地道記曰去國二百六十州六

百雒千二

西有大澤高祖斬白蛇於此有枌榆亭

案前志注

枌榆社在縣東北十五里或鄉名高祖里社戴
延之西征記曰縣西北有漢祖廟為亭長所處

鄼傳左

昭四年吳伐楚入棘杜預曰縣東北有棘亭襄元年鄭
侵宋取犬邱杜預曰縣東北有犬邱城帝王世紀曰曹

騰封費亭侯縣有鄭聚左傳曰冀為不道伐鄭三門服

地處關則非此鄭矣博穀陽平陽邑左傳僖二

物記曰諸侯會于鄭亭譙十三年楚所取乾

谿在刺史治漢官曰去雒浚有垓下聚高祖破蕪

有大澤鄉陳涉起此史記曰高祖擊黥布於建平臨睢故芒光武更名竹邑侯國故竹公

邱本膠國杜預曰在龍亢地道記曰左傳隱二向

本國符離紅地道記云左傳昭太邱杼秋故

屬梁國有澶淵聚左傳襄二十

陳國高帝置為淮陽章和二九城戶十一萬二千六百

五十三口百五十四萬七千五百七十二陳帝王世

犧氏所都舜後所封左傳僖元年會於禋杜預曰縣西北有禋城爾雅曰邱上有邱曰宛邱陳有株邑蓋朱襄

之地博物記曰邱地在縣北防亭陽夏有固陵聚史記

在焉詩曰邱有旨茗防有鵲巢甯平苦春秋時曰相

高祖五年追項羽至固陵晉有賴鄉伏滔北征記曰有老子廟廟中有九井水相通

有平城古史考曰有曲仁里老子里也地道記曰城南柘新平扶樂武平左傳成十六年諸

有鹿邑日縣西南長平故屬汝南左傳宋華氏戰于鬼闔有

辰亭左傳宣十一年盟辰陵有赭邱城杜預曰縣西北有閻亭

魯國秦薛郡高后改本屬六城戶七萬八千四百四十

七口四十一萬一千五百九十魯國古奄國帝王世

帝生於壽邱在魯東門之北少昊自窮桑登帝位窮桑

在魯北後徙曲阜應劭曰曲阜在魯城中委曲長七八

里左傳曰伯禽封少昊之墟僖二十九年介葛盧舍于

昌衍杜預曰縣東南有昌平城皇覽曰奄里伯公冢在

城內祥舍中民傳言魯有大庭氏庫杜預曰大庭氏古

五德奄里伯公葬其宅

其處有鐵有闕里孔子所居漢晉春秋曰鍾離意相魯

廟中慨然歎曰蔽芾甘棠勿剪勿伐況見聖人廟乎遂

躬留治之周觀輿服之在焉自仲尼以來莫之開也意

發視之得古文策書曰亂吾書董仲舒治吾堂鍾離意

壁有七張伯盜一意尋案未了而卒張伯者治中庭治

地得六壁上之意曰此有七何以不遂伯懼探壁懷中

魯咸以為神意別傳曰意省堂有孔子小車乘皆朽敗

意自糶俸顧漆膠之直請魯民治之及護几席劍履後

得甕中素書曰護吾履鍾離意又禮記夔相之圃亦在

城中西南近孔子廟而仲尼墓在魯城門北僂之外泗

水上去城一里葬地蓋一頃墓墳南北十步東西十三

步高一丈二尺墓前有甒甒為祠壇方六尺與地平塋

中異木以百數魯人莫能識皇覽曰孔子本無祠堂塋

近大小相望子思冢在孔子冢南案今墓書孫在祖前

謂此為有牛首亭左傳曰桓十四年有牛首有五父衢地道記曰在城

東里驪本邾國有驪山高五里秦始皇刻石焉劉蒼驪

外有韋賢墓北有繹山左傳文十三年邾遷於繹郭璞

唐口山北有陽山蕃有南梁水左傳襄四年戰狐台

城北有孟軻冢薛本國地道記曰夏車正奚仲所封冢在城南二

亭孟嘗君冢在城六國時曰徐州史記曰齊宣王九年

相卞有盜泉有郚鄉城左傳文公七年城郚杜預曰

茂杜預曰茂地名縣南有姑城襄十汶陽左傳桓十

七年齊圍桃杜預曰縣東南有桃墟汶陽二年盟曲

池杜預曰縣北有曲水亭地道記臨淄縣西南門曰曲

右豫州刺史部郡國六縣邑侯國九十九

魏郡 高帝置 雒陽東北七百里 魏志曰建安十七年割

河內之蕩陰朝歌林慮東郡之衛國頓邱東武陽

發干鉅鹿之癭陶曲陽南和廣平之廣平任城趙國十

之襄國邯鄲易陽以益魏郡十八年分置東西都尉十

五城戶十二萬九千三百一十口六十九萬五千六百

六 鄴 帝王世紀曰縣西南有上司馬殷太甲常居焉

魏都賦注曰縣西北有鼓山時時自鳴鳴則兵

又交谷水在縣南案本傳有西山又鄴北太行山西

北去亦不知山所極處亦如東海不知水所窮盡也

有故大河有滏水 魏都賦曰北臨漳滏則冬夏異沼注

云水經鄴西北臨漳滏水熱故名滏口

有汙水有汙城 史記曰項羽破

秦軍汙水上 有平陽城 史記曰斬欽

別下平陽 有武城有九侯城 徐廣曰一作鬼侯

與文王為紂三公 繁陽 內黃 左

襄十九年會于柯杜預曰縣東北有柯城昭

九年荀盈卒于戲陽杜預曰縣北有戲陽城

出有蕭陽聚 世祖破 有黃澤 前志曰 魏元城 左傳

年會馬陵杜預曰縣東南有墟故沙鹿左傳沙鹿崩穀

地名馬陵史記曰龐涓死處

山曰鹿沙有沙亭左傳定七年盟于瑣晉地道記曰縣南

山名也黎陽左傳定十四年會于牽陰安邑館陶

陽城清淵平恩沙侯國魏都賦注斥邱有葛杜預

乾侯魯昭武安有鐵即臺孝威曲梁侯國左傳宣

公所處故屬廣平有雞澤左傳襄三年諸侯會雞梁

期于曲梁秦置建武十三年省廣平國十五城戶十萬九

千五百一十七口六十萬二千九十六慶陶有薄落

亭鉅鹿故大鹿有大陸澤有廣阿澤呂氏春秋九藪

趙之鉅鹿高誘注云廣阿

澤也山海經曰大陸之水史記紂盈鉅橋之粟許慎云鉅鹿之大橋也鉅鹿南有棘原章邯所軍處前書曰沙

邱臺在縣東 楊氏 郭 下曲陽有鼓聚故翟鼓子

北七十里 國杜預曰縣西南有肥累有昔陽亭左傳昭十二年晉荀吳入昔陽杜預

曰沽縣東有昔 陽城肥故都也 任 南和 廣平 斥章 廣宗

曲周 列人 廣年 平鄉 南緣

常山國高帝置建武十三年省真定國以其縣屬十三城戶九萬七千五百

口六十三萬一千八百八十四 元氏晉地道記有石塞三公塞

高邑故鄆光武更名刺史治漢官曰去雒陽一千里有千秋亭五

成陌縣西七里光武卽位於此矣 都鄉侯國有鐵 南行

唐有石曰谷 房子贊皇山在縣西南六十里濟水所出晉地道記

有礫塞 中谷塞 日平棘有塞 樂城 在縣西北四十里 九門 史記趙武靈王

出九門如野臺以望齊中山之境碣石山戰國策云在縣界 靈壽衛水出 蒲吾

史記番吾君杜預曰晉之蒲邑也古今注曰永平十年作常山呼沱河蒲吾渠通漕船也 井陘

真定 上艾故屬太原

中山國 高祖置雒陽北一千四百里 十三城戶九萬七千四百一十

二口六十五萬八千一百九十五 盧奴 北平有鐵

母極 新市有鮮虞亭故國子姓 杜預曰白狄別種 望都

左傳晉伐鮮虞及中人杜預曰縣西北有中入城晉地道記有馬安關 唐有中入亭 博物

記曰唐關在中入西北百里中人在縣西四十里 有左

列十曰趙襄子使新梓穆子攻翟取左入中人 有左

人鄉 帝王世紀曰堯封唐堯山在北唐水西入河南有

望都山即堯母慶都所居相去五十里都山一名

豆山博物記曰左
人唐西北四十里

安國

安熹本安險章帝更名

漢昌本苦陘章帝更名

蠡吾侯國故屬涿

上曲陽

故屬常山恒山在西北

有泉水于吉得神書晉地道記
自縣北行四百二十五里恒多

山坂名
飛狐口

蒲陰本曲逆章帝更名有陽城

晉地道記曰
有陽安關陽

城蒲陽山
蒲水出也

廣昌故屬代郡

安平國

故信都高帝置明帝名樂成
延光元年改雜陽北二千里

十三城戶九萬一

千四百四十口六十五萬五千一百一十八
信都有

絳水呼沱河

阜城故昌城

南宮

扶柳

下博

武邑

觀津

本清河下縣決錄注曰孝文竇皇后父隱
身漁釣墜淵而卒景帝立后為太后遣使

者更填父所墜淵而葬起大墳
于縣城南民號曰竇氏青山

經西有漳水津名薄

落津 史記曰趙武靈王曰晉國東有河薄落之水 堂陽故屬鉅鹿 武遂

故屬河間 饒陽故名饒屬涿有無萁亭 馮異進豆粥光武案志有

解犢侯靈帝封 安平故屬涿 南深國故屬涿

河間國 文帝置世祖省屬信都和帝永元二年復故雒陽北二千五百里 十一城戶九

萬三千七百五十四口六十三萬四千四百二十一

樂成 弓高 易故屬涿 武垣故屬涿 中水故屬

涿 鄭故屬涿 高陽故屬涿有葛城 文安故屬勃

海 東州故屬勃海 成平故屬勃海 東平舒故屬

勃海

清河國 高帝置桓帝建和二年改爲 七城戶十二萬三

甘陵雒陽北千二百八十里

千九百六十四口七十六萬四百一十八 甘陵故厝

安帝更名 貝邱 東武城 鄒 靈和帝永元九年

復地道記曰有鳴犢河 繹幕 廣川故屬信都有棘津城太公呂尚

困於棘津城琅邪海曲非此城也案永初元年鄧太后分置廣川王國後王薨國除太后崩還益清河

趙國秦邯鄲郡高帝改名 五城戶三萬二千七百一十

九口一十八萬八千三百八十一 邯鄲張華曰趙奢冢在邯鄲西

山上謂之 有叢臺有洪波臺 易陽魏都賦曰溫泉出而自浪注曰溫泉在易陽

世以治疾 襄國本邢國秦為信都項羽更名有檀臺

史記曰趙成侯魏獻 有蘇人亭 柏人 中邱晉地道記曰有

石門塞 燒梁關

之其書卷之三十一

勃海郡

高帝置雜陽北千六百里

八城戶十三萬二千三百八十九

口百一十萬六千五百

南皮

高城侯國

重合侯

國 浮陽侯國

東光

有胡蘇亭胡蘇河之名見爾雅

章武

陽信

延光元年復

修故屬信都

右冀州刺史部郡國九縣邑侯國百

後漢書卷三十

後漢書卷三十考證

郡國志二楊翟有雍氏城注史記齊湣王十二年攻魏

楚圍雍氏○臣召南按齊攻魏一事也楚圍雍氏又

一事也雍氏韓邑楚人圍之與攻魏並無干涉此劉

昭采輯之失也

昆陽有湛水注戰于湛陂○左傳作湛阪陸德明音義

曰阪音反

長社有蜀津注史記曰魏惠王元年趙韓合軍伐魏蜀

澤○魏世家作濁澤六國年表又作涿澤

陽城有負黍聚注史記曰周敬王十九年鄭伐負黍○

臣召南

按周本紀無此文年表是周威烈王十九年

鄭啟韓于負黍時鄭繻公十六年韓景侯二年也

輪氏建初四年置○

臣召南

按前志潁川郡有綸氏疑

縣不自建初置也但前志作綸此志作輪按本書陳寔傳亦作輪

睢陽有魚門注左傳僖二十二年邾人懸公胄于魚門

○ 臣召南

按睢陽宋國不應有邾城門事此亦錯簡

當在魯國騶本邾國下

薄故屬山陽所都○

臣召南

按山陽下脫湯字薄與亳

通前書臣瓚注薄湯所都是也

沛國注秦泗川郡○川何焯校本改水

元城有沙亭注定七年盟于沙亭○推尋文義衍一亭
字

後漢書卷三十一

梁

刻

令劉

昭補并注

郡國志第二十一

郡國三

兗州

陳留泰山

東郡濟北

東平山陽

任城濟陰

徐州

東海廣陵

琅邪下邳

彭城

陳留郡

武帝置雒陽東五百三十里

十七城戶十七萬七千五百二

十九口八十六萬九千四百三十三陳留有鳴鴈亭

左傳成十六年衛伐鄭鳴鴈杜預曰在縣西北陳留志曰有桐陵亭古桐邱

浚儀本大梁

帝王世紀曰禹避商均浚儀晉地道記儀封人此縣也通俗文曰渠在浚儀曰茆蕩也

尉氏陳留

志曰有陵樹鄉北有澤澤有天子苑
園有秦樂廡漢諸帝以馴養猛獸
雍邱本杞國

志曰城內有神并能興霧電案北征記曰有呂祿臺高
七丈有酈生祠曹植禹廟讚曰有禹祠植移于其城城

本名曰襄邑有滑亭
左傳莊三年次于滑
有承匡城地

杞城曰襄邑有滑亭
杜預曰在縣西北
有承匡城道

記曰在縣西左傳文十一年會晉郤缺于承匡有桐
門亭有黃門亭襄元年會鄆杜預曰縣東南有鄆城

外黃
左傳惠公季年敗宋師于黃
有葵邱聚齊桓公會

此城中有曲棘里
左傳昭二十五年有繁陽城
小黃

漢舊儀曰高祖母起兵時
東昏
陳留志曰故戶
濟

死縣北為作陵廟於小黃
陽有武父城縣東南有武城縣都鄉有行宮光武生
平邱有臨濟亭田儼死此有匡
匡人之亭曹
有黃池

亭
陳留志云黃亭在封邱左傳哀十三年盟黃池杜預
曰在縣南傳曰吳囚子服景伯以還及戶牖然則黃

池在戶牖西或以為

外黃縣東溝非也

封邱 博物記有狄溝即

有桐牢

亭或曰古蟲牢

左傳成五年諸侯會蟲牢

酸棗

左傳鄭太

叔至于廩延杜預曰縣北有延津襄五年會城棘杜預

曰城內有韓

長垣侯國有匡城

陳留志曰孔子囚此

傳僖十五年會杜邱次于匡杜預曰匡在縣西

南昭十三年會平邱杜預曰縣西有平邱城有蒲城

左傳成九年會于蒲杜預曰在縣西南史有祭城杜預

記曰孔子自匡過蒲陳留志云有子路祠有祭城杜預

祭封人仲邑陳留志曰有蘧伯玉墓及祠又西南有

宛亭左傳僖二十八年衛人盟宛濮杜預曰近濮水

已吾有大棘鄉 左傳宣二年鄭破宋師大有首鄉左傳

年齊侯師于首止杜預曰在襄邑縣南

在襄邑東南有首止城 考城故菑 陳留志曰古戴

戴在外黃東南爾雅曰木立死

日菑呂氏春秋草鬱即為菑 章帝更名故屬梁 陳留

日菑呂氏春秋草鬱即為菑 章帝更名故屬梁 陳留

有箕子祠有穀亭古句 圉故屬淮陽有高陽亭陳留志曰

有萬人聚王邑破翟義積尸處前書 扶溝故屬淮陽

今高陽文穎曰高陽聚邑名在縣西 東郡秦置去雒陽十五城戶十三萬六千八十八口六

十萬三千三百九十三 濮陽古昆吾國杜預曰古衛也帝王世紀

曰顓頊自窮桑徙商邱左傳曰衛顓頊之墟杜預曰帝邱昆吾氏因之故曰昆吾之墟縣城內有顓頊冢皇覽

曰冢在城門外廣陽里中 春秋時曰濮有鹹城或曰古

博物記曰桑中在其中 鹹國左傳僖十三年同會于鹹有清邱左傳曰宣十二年盟有鉏城

燕本南燕國有雍鄉謝沈書曰赤眉攻雍鄉有胙城古胙國有

平陽亭左傳哀十六年衛侯飲孔悝酒於平陽有瓦亭左傳曰定八年會于瓦杜預曰縣東

北有桃城史記曰春申君說秦曰王又舉甲而拔桃入邢是也白馬有韋鄉杜預

曰縣東南有韋城

古豕韋氏之國

頓邱

白虎通曰帝嚳冢在城臺陰野是也

東阿

左傳

桓十年會于桃邱

杜預曰縣東南有桃城襄十四年孫

林父敗衛侯于阿澤

杜預曰縣西南大澤魏志有渠邱

山

有清亭

左傳隱四年遇于清是也

東武陽濕水出

范有秦亭

左傳莊三十一年築臺

于秦地道記在縣西北

臨邑有沛廟

博平

聊城

有夷儀聚

左傳僖元年邢遷于夷儀

有聶戚

左傳曰聊攝以東

發干

樂

平侯國故清章帝更名

陽平侯國有莘亭

杜預注傳曰衛作新

臺在縣北衛殺公子

伋之地故曰待諸莘

有岡成城

秦封蔡澤為岡成君未詳

衛公國

本觀故國姚姓光武更名有河牧城

左傳文元年會于戚鄭救晉中行氏

晉敗鄭鐵杜預曰

有竿城

前書故發干縣

穀城春秋時小穀

左傳莊三十二年

城小穀杜預曰城中有管仲井又傳曰埋長狄榮如首於周首之北門杜預曰縣東北有周

首有舊下聚左傳僖二十六年追齊師至鄆杜預曰縣西有地名鄆下皇覽曰縣東十五里有項

羽冢

東平國故梁景帝分爲濟東國宣帝改維陽東九百七十五里七城戶七萬九千

一十二口四十四萬八千二百七十無鹽本宿國任

姓左傳昭二十五年臧會奔郕杜預曰縣東南有郕鄉亭有章城古國左傳莊三

東平陸六國時曰平陸有闕亭左傳桓十一年會于闕杜預曰在須昌縣

東南有闕城博物記云卽此亭是有堂陽亭故縣後省富成章壽張

春秋曰良漢曰壽良光武改曰壽張有堂聚故聚屬東

郡地道記曰有崑尤祠狗城皇覽曰崑尤冢在縣闕城中高七丈須昌故屬東郡杜預

曰須句古國在西北有致密城古中都有陽穀城左傳僖三年會陽穀杜預曰在

北縣 甯陽故屬泰山

任城國 章帝元和元年分東平為 三城戶三萬六千四

百四十二口十九萬四千一百五十六 任城本任國

有桃聚 光武破龐 亢父 左傳襄十三年取邾杜預曰

預曰縣北 樊 有邾瑕城

泰山郡 高帝置 雒陽 十二城戶八千九百二十九口四

十三萬七千三百一十七 奉高有明堂武帝造 前書

縣西南四里左 傳昭八年大蒐于紅至于 博有泰山

廟岱山在西北 有龜山 左傳定十年齊歸龜陰之田杜

山之 有龍鄉城 左傳成二年齊圍龍杜預曰在縣西南

史記作隆又楚有蜀之役杜預曰縣西

北有蜀亭 梁甫侯國有菟裘聚左傳隱公使營菟裘吾將老焉杜預曰縣南有菟裘

城 鉅平侯國有亭禪山即古所禪亭者也有陽關亭左傳襄十七年

師自陽關桓六年會于成杜預曰縣東南成城即孟孫之邑 嬴有鐵山 荏侯國

萊蕪有原山 潘水出杜預曰汶水出 蓋沂水出左傳會于防杜預曰

在縣東南 南武陽侯國有顓臾城 南城故屬東海

有東陽城呂氏春秋夏孔甲遊田于東陽蕢山左傳哀八年克東陽襄十九年城武城杜預曰南城

縣哀十四年司馬葬邱輿 費侯國曹騰封費是鄆故杜預曰縣西北有輿城

屬東海有祊亭左傳隱八年鄭歸祊杜預曰在縣東南閔二年莒人歸共仲及密杜預曰縣有

密如 有台亭左傳襄十二年莒圍台 牟故國

濟北國和帝永元二年分泰山置臣昭案濟北前漢之舊國此是經并泰山復分雜陽東干一百五十

果五城戶四萬五千六百八十九口二十三萬五千八

百九十七

盧

左傳隱二年齊鄭尋盧之盟杜預曰今縣故城有邾山在縣北成二年封銳司

徒女石窳杜預曰

有平陰城有防門

左傳襄十八年齊禦晉平陰塹防門

杜預曰在縣北又齊登巫山

有光里有景茲山

杜預曰在縣東

南

有敖山

左傳曰先君獻武廢

有清亭

左傳哀十一年齊伐魯及清是

也

有長城至東海

史記蘇代說燕王曰齊有長城巨防巨防即防門

蛇邱有

遂鄉

古遂國左傳莊十

有下謹亭

左傳桓三年

有鑄鄉

城

周武王未及下車封堯後於鑄左傳有棘地成公三年叔孫僑如所圍杜預曰汶水北地有棘鄉東觀書

有芳

成本國

左傳衛師入郟杜預曰東

荏平本屬

東郡

剛

左傳哀八年齊取闔杜

預曰在縣北有闔鄉

山陽郡 故梁景帝分置雒陽東八百里 十城戶十萬九千八百九十

八口六十萬六千九十一 昌邑刺史治有梁邱城 左傳

莊三十二年遇于梁邱杜預曰梁邱鄉在縣西南 有甲父亭 杜預曰甲父古國名在縣東南左傳

隱十年取防杜預曰縣西有防城 東緡春秋時曰緡 左傳僖二十三年齊圍緡

鉅野 左傳桓七年焚咸邱杜預曰縣西有咸亭 有大野澤 春秋西狩獲麟之所爾雅十藪魯有

大野 杜預曰縣西南有野亭 高平侯國故橐章帝更名

前漢志莽改曰高平章帝復莽此號左傳隱九年費伯城郎杜預曰縣東南有郁郎亭 有茅鄉城

杜預曰茅鄉在昌邑西南 湖陸故湖陵章帝更名 前漢志王莽改曰湖陸章帝復

其號博物記曰苟水出地道記 南平陽侯國有漆亭 縣西有費亭城魏武帝初所封

左傳 有閭邱亭 左傳襄二十一年邾庶其以漆閭邱來奔杜預曰縣東北有漆鄉西北有顯閭

城漆

亭哀七年囚邾子負瑕杜預曰縣西北有瑕邱城杜方與有武唐亭左傳桓二年盟于唐

杜預曰魯侯觀魚臺春秋經隱五年矢魚于棠有泥母亭或曰古甯

母左傳僖七年盟甯母杜預曰在縣東三十一年臧文仲宿重館杜預曰縣西北有重鄉城瑕邱

金鄉晉地道記曰縣多山所治名金山山北有鑿石

云得白兔不葬更葬南山鑿而得金故曰金山故冢今在或云漢昌邑所作或云秦時防東

濟陰郡故梁景帝分置十一城戶十三萬三千七百一

十五口六十五萬七千五百五十四定陶本曹國郭璞

曰城中有陶邱皇覽曰伯樂古陶堯所居帝王世紀曰舜陶河濱縣

西南陶有三醜亭湯伐三醜孔安寃句有煮棗城史記

蘇秦說魏襄王曰大王之地東有淮潁煮棗成陽有堯冢靈臺有雷澤禹貢

曰雷夏既澤帝王世紀曰舜
耕歷山漁雷澤濟陰有歷山
乘氏侯國博物記曰有古乘邱

泗水有鹿城鄉
句陽有垂亭左傳隱八年遇于垂史記無忌說魏安僖王曰

文臺際垂都焚徐
廣曰縣有垂亭
鄧城
離狐故屬東郡
廩邱故

屬東郡有高魚城有運城左傳襄二十六年齊烏餘以廩邱奔晉杜預曰今縣故城

是又襲衛羊角取之杜預曰今縣所
治城又襲我高魚杜預曰在縣東北
單父侯國故屬

山陽
成武故屬山陽左傳隱七年戎執凡伯於楚邱杜預曰在縣西南
有郃

城左傳隱十年取郃杜預曰縣東南有郃城地道記有嵇城
己氏故屬梁皇覽曰有平和

鄉鄉有
伊尹冢

右兗州刺史部郡國八縣邑公侯國八十

東海郡高帝置雒陽東千五百里
十三城戶十四萬八千七百八十

四口七十萬六千四百一十六 郟本國刺史治博物記曰

有勇士亭即蘭陵有次室亭地道記曰故魯次室邑

作次曰臧胸山海經曰都洲在海中一日郁洲郭璞

皆有南方樹木博物記縣東有鐵有伊盧鄉史記曰鍾

伊盧襄賁昌慮有藍鄉左傳昭三十一年郟黑肱以

北有郟城郭承陰平利城合城郟水自北

祝其有羽山颶鯨之山杜預曰在縣西南博物記曰東

山為懲春秋時曰祝其夾谷地左傳定十年會齊

邱左傳成九年城中城杜預贛榆本屬琅邪建初五

年復左傳齊伐莒莒子奔紀鄆杜預曰縣東北有紀城

丈八尺廣五尺厚八尺三寸一行十三
字潮水至加其上三丈去則三尺見也

琅邪國 秦置建武中省城陽國以其縣屬案本紀 永壽元年置都尉治雒陽東一千五百里 十三

城戶二萬八百四口五十七萬九百六十七 開陽 杜

曰古邠左傳哀三年 城啓陽杜預曰開陽 故屬東海建初五年屬 東武

琅邪 山海經曰有琅邪臺在渤海間琅邪之東郭璞曰

臺齊景公曰吾循海而南放乎琅邪越絕曰句踐徙琅

邪起觀臺臺周七里以望東海史記曰秦始皇徙黔首

三萬戶琅邪臺 東莞有鄆亭 左傳曰有鄆鄉有公來

山或曰古浮來 左傳隱八年盟浮來杜預曰邳來山之

阜而脫之杜預曰東莞蒙陰縣西北有夷吾亭或曰鮑

叔解夷吾縛於此因此以為名即古堂阜也東莞後為名

西海 東觀書曰有勝山博物記太公呂望所 諸

莊二十九年城諸杜預曰諸縣在城陽郡又言隱四年莒人伐杞取牟婁杜預曰縣東北有婁鄉

本國故屬城陽

左傳成八年申公巫臣會渠邱公杜預曰縣有蘧邱里

有鐵有崢

嶸谷

東安故屬城陽

陽都故屬城陽有牟臺

左傳宣元

年會于平州杜預曰在縣西

臨沂故屬東海有叢亭

左傳隱六年盟于艾杜預

曰縣東南有艾山七年城中邱杜預曰縣東北有中邱亭博物記曰縣東界次睢有大叢社民謂之食人社即

次睢之社

即邱侯國故屬東海春秋曰祝邱

繒侯國故

屬東海有概亭

左傳莊九年盟于蕪杜預曰在縣北

姑幕

左傳昭五年莒牟夷以牟

婁及防茲來奔杜預曰縣東北有茲亭博物記曰淮水入城東南五里有公冶長墓

彭城國

高祖置為楚章帝改維陽東千二百二十里

八城戶八萬六千一百

七十口四十九萬三千二十七

彭城

古大彭邑北征記城西二十里

有山山有楚元王墓伏滔北征記曰城北六里有山有
臨泗有宋桓魋石擲皆青石隱起龜龍麟鳳之象

鐵武原 傅陽有粗水 左傳襄十年滅偃陽 杜預曰即此縣也 呂

留 西征記曰城中有張良廟 梧 菑邱 廣戚故屬沛國

廣陵郡 景帝置為江都武帝更名建武中省泗水十一

城戶八萬三千九百七十四 萬百九十 廣陵 吳

漚所都城周十四里半 有東陵亭 博物記曰女子杜姜左道通神

知所極以狀上因以其處 江都有江水祠 高郵

平安 凌故屬泗水 東陽故屬臨淮有長洲澤吳王

漚太倉在此 縣多麩博物記曰十千為羣掘食草根其

而穫其收百倍又扶海洲上有草名蒔其實食之如大
麥從七月稔熟民斂穫至冬乃訖名曰自然穀或曰禹

餘糧

射陽故屬臨淮

有梁湖地道記曰有博支湖

鹽瀆故屬臨淮

輿侯國故屬臨淮

堂邑故屬臨淮有鐵春秋時曰

堂海西故屬東海

下邳國

武帝置為臨淮郡永平十五年更為下邳國雒陽東千四百里

十七城戶十三

萬六千三百八十九口六十一萬一千八十三 下邳

本屬東海

戴延之西征記曰有沂水自城西西南注泗別下邳城南亦注泗舊有橋處張良與黃石

公會此橋

葛嶧山本嶧陽山

山出今名桐伏泗北征記

有鐵

徐本國有樓亭或曰古萇林

杜預曰在僮縣東南伏泗北征記曰縣北有大家徐

君墓延陵解劍之處

僮侯國

睢陵

東下相

淮陰

下鄉有南昌亭韓信

寄食處

淮浦

盱台

高山

潘旌

淮陵

取慮有

蒲姑陂左傳昭十六年齊師至蒲東城魏曲陽侯國

故屬東海司吾侯國故屬東海良城故屬東海春

秋時曰良在傳昭十三年夏邱故屬沛

右徐州刺史部郡國五縣邑侯國六十二魏氏春秋曰初

平三年分琅邪東海為城陽新城昌慮郡建安十一年省昌慮并東海

後漢書卷三十一

後漢書卷三十一考證

郡國志三已吾有大棘鄉○有首鄉○
臣召南按此二

鄉注皆應在上文襄邑有承匡城之下大棘首鄉皆

襄邑地非已吾地也不知何以脫入於此又首鄉注

左傳桓八年齊侯師于首止應作僖五年齊侯會于

首止杜預曰有首止城應作有首鄉

林邑有沛廟○沛當作沛

湖陸故湖陵章帝更名注王莽改曰湖陸章帝復其號

○臣召南按前書湖陵莽曰湖陸蓋自光武中興郡

縣名皆復其舊至章帝又改湖陵為湖陸也

琅邪國注秦置建武中省城陽國以其縣屬○臣召南

按此注不明郡與國亦畧有別秦置琅邪郡前漢因

之光武改爲國省城陽國來屬此其始末也秦置之

下當有郡字

東莞有邳鄉有公來山或曰古浮來注杜預曰邳來山

之間號曰邳來○按杜預注原文云邳鄉西有公來

山號曰邳來間

陽都有牟臺○牟當作平

東城○城當作成

後漢書卷三十一考證

後漢書卷三十二

梁 剡

令劉 昭補并注

郡國志第二十二

郡國四

青州

濟南 齊國

平原

樂安

北海

東萊

荊州

南陽 武陵

南郡

江夏

零陵

桂陽

揚州

九江 豫章

丹陽

廬江

會稽

吳郡

濟南國

故齊文帝分維陽東千八百里

十城戶七萬八千五百四十四

口四十五萬三千三百八

東平陵有鐵有譚城

故譚國

有天山 著

於陵

杜預曰縣西北有于亭陳桓子以封齊公子周

臺 營

有賴亭

左傳哀六年公如賴

土鼓

梁鄒

鄒平

東朝陽

杜預

口縣西有崔城

歷城有鐵有巨里聚

耿弇破費敢處皇覽曰太甲有冢在歷山上

平原郡

高帝置雜陽北一千三百里

九城戶十五萬五千五百八十

八口百萬二千六百五十八

平原

地道記曰有篤馬河

高唐

濕水出般

鬲侯國夏時有鬲君滅浞立少康

魏都賦注

曰縣有蓋節淵三齊記曰城南有蒲臺高八十尺秦始皇所頓處在臺下縈蒲繫馬今蒲猶縈者

祝

阿春秋時曰祝柯

左傳哀十年取犁及轅杜預曰縣西有轅城故縣省

有野井亭

左傳昭二十五年齊侯唁公子于野井杜預曰在縣東

樂陵

濕陰

安德侯國

厭次本富平明帝更名

樂安國

高帝西平昌置為千乘永元七年更名雜陽東千五百二十里

九城戶七萬四

千四百口四十二萬四千七十五 臨濟本狄安帝更

名地道記曰狄千乘 高苑 樂安 博昌有薄姑城

古薄姑氏杜預曰薄姑地有貝中聚左傳齊侯田于貝邱杜預曰縣南有地名貝中有時水

左傳莊九年戰于乾時杜預曰時水在縣界歧流旱則竭涸故曰乾時蓼城侯國杜預曰縣

東北有攝城利故屬齊 益侯國故屬北海 壽光故屬

北海有灌亭古灌國

北海國景帝置建武十三年有菑川高密膠東三國以其縣屬十八城戶十五萬

八千六百四十一口八十五萬三千六百四 劇有紀

亭古紀國 營陵 平壽有斟城杜預曰有斟亭古斟國故縣後省有

寒亭古寒國泥封此 都昌左傳莊元年齊遷紀之鄆城地道記曰鄆城在縣西

安邱有渠邱亭

地道記曰有渠邱城

涪于永元九年復有密

鄉

左傳隱二年紀莒盟密故密鄉在縣東北後省

平昌侯國故屬琅邪有夔

鄉

左傳昭五年莒牟夷以牟婁及防茲來奔杜預曰縣西南有防亭

朱虛侯國故屬

琅邪永初元年屬

左傳莊元年齊遷紀鄒杜預曰朱虛縣東南有鄒城鄭志曰有小泰山公

玉帶曰岐伯命黃帝封泰山即此山也

東安平故屬菑川六國時曰安

平有鄒亭

故兆左傳莊三年紀季以鄒入于齊地道記有羌頭山

高密侯國

昌安侯國安帝復

夷安侯國安帝復

膠東侯國

卽墨侯國有棠鄉

左傳襄六年圍棠杜預曰棠國也

壯武安帝復

故夷

國左傳隱元年紀伐夷

下密安帝復

拒

地道記曰養澤在西幽州藪有萊山萊王

祠 觀陽

東萊郡

高帝置雒陽東三百二十里

十三城戶十萬四千二百九

十七口四十八萬四千三百九十三

黃

地道記曰縣東二百三十

里至海中連岑有土道秦始皇登此山刻二碑東二百三十里有始皇漢武帝二碑

牟平

慳

侯國

地道記曰有百枝萊君祠三齊記曰南有蹲犬山似犬蹲有神劉寵出西都經此山山犬吹之寵曰

山人也

曲成侯國

前書禱萬里沙在縣

掖侯國有過鄉

故過

當利侯國

東牟侯國

昌陽

盧鄉

長廣故屬

琅邪

黔陬侯國故屬琅邪有介亭

左傳襄二十四年伐莒侵介根杜預

曰縣東北計

葛盧有尤涉亭

不期侯國故屬琅邪

三齊記曰鄭元教授不期山山下生草大如籬葉長一尺餘堅韌異常土人名曰康成書帶

齊國

秦置雒陽東

六城戶六萬四千四百一十五口四

十九萬一千七百六十五
臨菑本齊刺史治爾雅十

海隅郭璞曰海濱廣斥左傳齊戊葵邱杜預曰在縣西

皇覽曰呂尚冢在縣城南去縣十餘里在齊桓公冢南

菑水南桓公冢西北有晏嬰冢孟子注曰

南小山曰牛山博物記曰縣西有袁婁

里亭杜預曰在縣東有遷邱里古渠邱昌國臨胸

有三亭古邾邑左傳莊元年齊所徙杜預曰在縣東南

應劭曰伯氏邑也地道記曰有石高山

廣般陽故屬濟南

右青州刺史部郡國六縣六十五

南陽郡秦置雒陽南七百里三十七城戶五十二萬八千五百五

十一口二百四十三萬九千六百一十八宛本申伯

國荆州記口郡城周三十六里博物記有南就聚有瓜

有申亭南都賦注曰有玉池澤陂

有南就聚有瓜

里津東觀書鄧奉拒光武瓜里有夕陽袁山松書曰賈復從有東

武亭 冠軍邑 葉有長山曰方城杜預曰方城山在縣南屈完曰楚國

方城以爲城皇覽曰縣西北去城三有卷城左傳昭二

然郭卷子使季新野有東鄉故新都王莽封也有黃郵聚吳漢破秦豐地

章陵故舂陵世祖更名古今注曰建武十八年有上

唐鄉前志曰故唐國西鄂有精山朱儁破孫夏山海

常遊清冷之淵出入有光見即其國爲敗有九鍾焉是

知霜鳴郭璞曰清冷水在西鄂縣山上神來時水赤光

耀今有屋祠也霜降則鍾鳴故言知也物有自然感應

在縣雉博物記曰魯陽有魯山前志曰古魯縣南堯祠立有牛蘭累亭謝沈書云雙 堵陽 博望

舞陰邑 比陽 復陽侯國有杏聚 平氏桐柏大復

山淮水出 前書曰在縣南荆州記曰桐柏淮源涌發其中潛流三十里東出大復山南山南有淮源

廟博物記曰有 **有宜秋聚** 伯升見 **棘陽** 荆州記曰東

城 **有藍鄉** 伯升襲 **有黃涪聚** 又伯升攻梁邱賜杜預曰

是陽 **湖陽邑** 荆州記曰樊重母畏雷為石 **隨** 古隨 **西**

有斷蛇邱 卽銜珠之蛇也杜預曰有賴亭左傳僖十五

山謂列山氏今隨厲鄉是也荆州記曰縣北界有重山

有兩重壑中有九井相傳神農既育九井自穿 **育陽**

邑 **有小長安** 漢軍為甄 **有東陽聚** 朱祐破 **涅陽** **陰**

鄧 **鄧有鄧聚** 左傳桓九年 **山都侯國** **鄧侯國**

後漢書卷三十二 魏國志 上八文

荆州記曰縣北八里有菊水其源旁悉芳菊水極甘馨

又中有三十家不復穿井即飲此水上壽百二十三

中壽百餘七十者猶以為天漢司空王暢太傅袁隗為

南陽令縣月送三十餘石飲食澡浴悉用之太尉胡廣

父患風羸南陽恒汲飲此水疾遂瘳此菊莖短葩大食

之甘美異於餘菊廣又收其實種之京師遂處處傳植

之穰朝陽南都賦陂澤有蔡陽侯國襄陽耆舊

子亭下有神陂中多魚人安眾侯國魯山出紫石英

捕不可得南都賦所稱

筑陽侯國有涉都鄉杜預曰穀國在縣北博物記曰

開林山西武當有和城聚荆州記曰縣北四里有

北有籛山

陽侯國故博山有須聚成都襄鄉南鄉丹水

故屬宏農南鄉丹水二縣有商城有章密鄉有三戶亭

左傳哀四年晉析故屬宏農故楚白羽邑左傳昭十

執蠻子界楚師

張儀與楚商於之地

八年許遷

後漢書卷三十一

郡國志

五

于白有武關在縣西南都賦曰武關在其西有豐鄉城

左傳哀四年司馬起豐析荊州記曰縣有龍淵深不測縣北有馬頭山

南郡秦置雒陽南十七城戶十六萬二千五百七十口

七十四萬七千六百四江陵史記曰楚熊渠立長子

江陵也皇覽曰孫叔有津鄉左傳莊十九年楚子大敗

敖冢在城中白土里于津荊州記曰縣東三里

餘有三湖湖東有水名長谷又西北有小城名曰冶父

紀南城楚王所都東南有郢城子囊所城史記蘇秦說

楚威王楚東有夏州左傳楚莊伐陳鄉取一人以歸謂

之夏州今夏口巫西有白帝城郭璞曰秭歸本歸

國杜預曰夔國荊州記曰縣北一百里有屈平故宅方

女須中廬侯國襄陽耆舊傳曰古廬戎也縣西山中

廟有一道漢時常有數百匹馬出其中

馬形皆小似巴滇馬三國時陸遜攻襄陽又值此穴中

有數十匹馬出遜載還建業蜀使來有五部兵家滇池

者識其馬色云亡父所乘對之流涕荆州記云是析縣

馬頭山又縣南十五里有陵水東流注沔水中自曝膝頭如

馬甲如鱖鯉不可入七八月中好在磧上自曝膝頭似

虎掌爪小兒不知欲取弄戲便殺人或曰生得者摘其

鼻厭可小盧編有藍口聚下江兵所據左傳鬪緡以

便名爲木盧權叛楚遷於那處杜預曰

縣東南有當陽杜預曰縣東南有權城楚武王所剋荆

那口城有沮水城西有磨城伍子胥華容侯國雲夢澤在南杜預

造此二城以攻麥城華容城江夏安陸縣東南有雲夢

國在縣東枝江縣有雲夢城江夏安陸縣東南有雲夢

後漢書卷三十二

郡國志

六

犁邱城

朱祐禽秦

宜城侯國

杜預曰縣西舊

都侯

國永平元年復

左傳楚文王伐黃還及湫

臨沮侯國

有荆山

山海經曰其陽多鐵其陰多赤金其中多牛荆

景山即卞和抱璞之處南都賦注曰

枝江侯國本羅

國有丹陽聚

史記秦齊破楚

夷道

荆州記曰縣西

南有羊

夷陵有荆門

岑彭破虎牙山

荆州記曰荆門

虎牙有文如齒牙

州陵

史記楚考烈

佷山故屬武

陵

江夏郡

高帝置雒陽

十四城戶五萬八千四百三十四

口二十六萬五千四百六十四

西陵

西陽

軼侯

國杜預曰古邾國
在東南有邾城
邾史記曰無忌說
不攻攻冥阨之塞徐廣云即此

也縣
竟陵侯國有鄖鄉左傳桓十一年
立章山本內方

荆州記曰山高三十丈周迴百餘里縣東有申水
左傳楚公子比為王次魚陂杜預曰在縣西北
雲

杜杜預曰縣東南
有鄖城故國
沙羨地記曰楚滅
邾邾徒其君此城
下雉

蕲春侯國
鄂
平春侯國
南新市侯國案本傳有離鄉

聚綠
安陸

零陵郡武帝置雒陽南
十三城戶二十一萬二千二百

八十四口百萬一千五百七十八
泉陵
零陵陽朔

山湘水出羅含湘中記曰有營水有洮水有雍水有祁

水有泊水有資水皆注湘
營道南有九疑山舜之所葬郭璞

山海經注曰其山九谿皆相似故曰九疑湘州營陽郡記曰山下有舜祠故老相傳舜登九疑營浦

營陽郡記曰縣南三里餘有舜南巡止宿處今立廟泠道有春澆陽都梁

有路山夫夷侯國故屬長沙始安侯國始安郡記曰縣東有

駁樂山東有遼山重安侯國故鍾武永建三年更名湘鄉

昭陽侯國荆州記縣東有余水傍有漁父廟烝陽侯國故屬長沙

桂陽郡高帝置上領山在雜十一城戶十三萬五千二

十九口五十萬一千四百三郴有客嶺山湘中記曰項籍徙義

帝於郴而害之今有義陵祠又縣南十數里有馬嶺山山有仙人蘇耽壇荆州記曰城南六里縣西北有溫泉

其下流有數十畝田常十二月下種明年三月新穀便登一年三收便耒陽有鐵

陰山南平臨武桂陽含涯滇陽有萃領山

始興郡記

曲江始興郡記縣北有臨沅山

漢甯永和元年置

武陵郡

秦昭王置名黔中郡高帝五年更名雒陽南二千一百里先賢傳曰晉代太守趙厥問主簿潘

京曰貴郡何以名武陵京曰鄙郡本名義陵在辰陽縣

界與夷相接為所攻破光武時移東出遂得見全先識

易號傳曰止戈為武高平曰陵於是改名焉臣昭案前

書本名武陵不知此對何據而出荆州記曰郡社中木

庶樹是光武十二城戶四萬六千六百七十二口二十

種至今也

五萬九百一十三

臨沅

荆州記曰縣南臨沅水水源出梓柯且蘭縣至郡界分為

五谿故云

漢壽故索陽嘉三年更名刺史治

漢官儀曰去雒

陽二

孱陵

魏氏春秋曰劉備在荆州所都改曰公安

零陽

充

沅陵

先有壺頭山

馬援軍渡處有松梁山山有石開處數十丈其上名曰天門

辰陽

酉陽

遷陵

潭成沅南建武二十六年置入作唐

長沙郡

秦置維陽南二千八百里

十三城戶二十五萬五千八百五

十四口百五萬九千三百七十二臨湘攸茶陵

安城

鄴荆州記曰有鄴湖周迴三里取湖水為酒

百谷 湘南侯國衡山在東南

郭璞曰山別名响嘯湘中

文以治水遙望衡山如陣雲

記曰衡山有玉牒禹案其

湘千里九向九背迺不復見 連道 昭陵 益陽

下雋

荆州記曰縣南十里有平岡岡有金井數百淺者四

五尺深者不測俗傳云有金人以杖撞地輒便成井

陵

縣東四十里有大山山有三石室室中有石牀石

右荆州刺史部郡七縣邑侯國百一十七

魏氏春秋建安

二十四年吳分巫秭歸為固陵郡二十五年分南
郡之巫秭歸夷陵臨沮并房陵上庸西城七縣為
新城郡

九江郡

秦置雒陽東
一千五百里

十四城戶八萬九千四百三十六

口四十三萬二千四百二十六

陰陵

壽春

漢官云
刺史治

去雒陽千三百
里與志不同

浚道

左傳哀十二年會吳于蒙臯杜
預曰在縣東南案宋均傳縣有

唐信
二山

成德

西曲陽

合肥侯國

歷陽侯國刺史

治 當塗有馬邱聚徐鳳反於此

帝王世紀曰禹會諸
侯塗山皇覽曰楚大

夫子思冢在縣東山鄉西
去縣四十里子思造芍陂

全椒

鍾離侯國

阜陵

下蔡故屬沛

左傳成七年吳入州
來杜預曰下蔡縣

平阿故屬沛有

塗山

應劭云山在當塗左
傳穆有塗山之會

義成故屬沛

丹陽郡

秦鄣郡武帝更名雒陽東二千一百

十六城戶

十三萬六千五百一十八口六十三萬五百四十五

宛陵

溧陽

丹陽

故鄣

秦鄣郡所治吳興記曰中

和末張角亂此鄉守險助國漢嘉之

於潛

涇

歙

故立縣中平二年又分立原鄉縣

黟魏

山海經曰三天子鄣山在閩西海北郭璞曰在

蕪湖中江在西

左傳

春秋有陵陽子明得仙於

其地本名金陵秦始皇

襄三年楚子伐吳克鳩

秣陵

改建安十六年孫權改

春穀 石城

南有牛渚

湖熟侯國

句容

江乘

廬江郡

文帝分淮南置建武十年省六安

十四城戶十

萬一千三百九十二口四十二萬四千六百八十三

舒有桐鄉古桐國左傳昭五年吳敗楚雩婁侯國

尋陽有置馬亭劉南有九江東合為大江釋慧遠廬山記畧曰山在

尋陽南濱宮亭湖北對小江山去小江三十餘里有

匡俗先生者出殷周之際隱潛居其下受道於仙人

而共嶺時謂所止為仙人之廬而命焉其山大嶺凡七

重圓基周迴垂三五里其南嶺臨宮亭湖下有神廟

七嶺會同莫升之者東南有香爐山其上氛氲若香煙

西南中石門前有雙闕壁立千餘仞而瀑布流焉其中

鳥獸草木之美靈藥芳林之奇所稱名代潛昭左傳曰

豫章舊志匡俗字君平夏禹之苗裔也潛昭左傳曰

侯國 襄安 皖有鐵 居巢侯國 龍舒
井吏民皆祭亞父於居巢庭上長吏初視事皆
祭而後從政後更造祠於東廣志曰有二大湖 六安

國皇覽曰臯陶冢在縣 蓼侯國 安豐有大別山左傳昭二十三年吳敗諸

侯之師于雞父杜預 陽泉侯國廣志曰有 安風侯

國縣南有雞備亭

會稽郡秦置本治吳立郡吳乃移 十四城戶十二萬三

千九十四十八萬一千一百九十六山陰越絕曰

城山陰城也稷山有句踐齋戒臺吳越春秋曰句踐築

名怪 會稽山在南上有禹冢上海經曰會稽之山四方

日有禹井越絕曰有 有浙江郭璞注山海經曰 鄭

烏傷越絕曰有常山古聖所采藥高且神英雄 諸暨

越絕曰興平二 餘暨越絕曰西施之所出謝承書有

年分立吳甯縣 涉皇山魏都賦注有蕭山潛水

出焉太末左傳謂姑蔑初平三年分立新安縣建安四年孫氏分立豐安縣二十三年立遂昌縣東

陽記縣龍邱山有九石特秀林表色丹白遠望盡如蓮

花龍邱長隱居於此因以為名其峯際復有巖穴外如

窻牖中有石林巖前有一桃樹其上虞漢末分南鄉

實甚甘非山中自有莫知誰植其

剡餘姚句章山海經曰餘句之山無草木多金玉郭璞曰山在餘姚南句章北故

二縣因以為名句踐欲遷吳王於浦東韋昭曰縣東洲鄞章安故治閩越地

光武更名晉元康記曰本鄞縣南之迴永甯永和三年

年以章安縣東甌鄉為縣東部侯國

吳郡順帝分會稽置雒陽東三千二百里十三城戶十六萬四千一百六

十四口七十萬七百八十二吳本國越絕曰吳大城

外闔閭豕虎邱穹隆赤松子所取赤石脂也去縣二十

里有麋湖欏谿城又石城闔閭置美山虞山巫咸震澤

山皇覽曰縣東門外孫武冢又要離冢縣西南

在西後名具區澤爾雅十藪吳越之間有具區郭璞曰

穴道潛行水底去無所不通號為地脉越絕書曰湖周

三萬六千頃又有大雷山小雷山周處風土記曰舜漁

澤之所臣昭案此僻在成陽是也又吳伐

越敗之夫椒杜預曰太湖中椒山是也

海鹽案今

為當湖大旱湖竭城郭之處可識

至于衡山杜預曰在縣南或云丹陽縣之橫山去鳩茲

不遠子重所至也吳興記曰縣西北其山有項籍祠與

平二年太守許貢餘杭顧夷曰秦始皇至會稽經此

奏分縣為永縣立為縣史記曰始皇臨浙江

水波惡乃西北二十里從狹中渡徐廣曰餘杭也臣

昭案始皇所過乃在錢塘富春豈近餘杭之界乎

毘陵季札所居北江在北越絕曰縣南城古淹地上湖

皇覽曰朱丹徒春秋曰

暨陽鄉朱方

曲阿由拳

左傳曰越敗吳

縣南醉李城也干寶搜神記曰秦始皇東巡望氣者云
五百年後江東有天子氣始皇至今囚徒十萬人掘汗
其地表以惡名故安越絕曰有西岑冢越王孫開所
改之曰由拳縣立以備春申君使其子守之子

死遂葬富春陽羨邑郭璞曰縣有張公無錫侯
城中富春陽羨邑山洞密有二堂

國史記曰春申君城故吳墟以白為都邑城在無錫皇
覽曰吳王太伯冢在吳縣北梅里聚去城十里太伯

始所居地名句吳臣昭案無錫縣東皇山有太伯冢民
世修敬焉去墓十里有舊宅并猶存臣昭以為即宅為

置廟不如皇覽所說也越絕曰縣西龍尾陵道春申
君初封吳所造臣昭案今見在自是山名非築陵道

婁

豫章郡高帝置雒陽南二十一城戶四十萬六千四百

九十六口百六十六萬八千九百六

立豫章縣建安立上蔡南昌豫章記曰江淮唯此縣
民分徙此地立名上蔡及吳臨湘三縣是也

後漢書卷之二十一

建城

此地立名上蔡者豫章記曰縣有葛鄉有石炭二頃可燃以爨

新淦

宜春

廬陵

與平元年孫策分立廬陵郡

贛有豫章水

雩都

南野

有臺領山

南城

鄱陽有鄱水黃金采

建安十五年孫權分立鄱

陽郡治縣

歷陵有傅易山

餘汗

鄖陽

彭澤彭蠡澤

在西

柴桑

艾

左傳哀二十年吳公子慶忌所居

海昏侯國

在昌邑城

豫章記曰城東十三里縣列江邊名慨口出豫章大江之口也昌邑王每乘流東望輒憤慨而還故謂之慨口

平都侯國故安平

石陽

臨汝永元八年置

建

昌永元十六年分海昏置

右揚州刺史部郡六縣邑侯國九十二

後漢書卷三十二

後漢書卷三十二考證

郡國志四卽墨侯國有棠鄉注左傳襄六年圍棠杜預

曰棠國也○

臣召南

按左傳注原文棠菜邑也北海

卽墨縣有棠鄉此志作棠國也非是

不期侯國○

臣召南

按不期當從前書作不其本書伏

湛傳封不其侯亦作其字

葉有長山曰方城注杜預曰方城山在縣南屈完曰楚

國方城以爲城○推尋文義當云左傳屈完曰楚國

方城以爲城杜預曰方城山在縣南今此文誤倒

酈侯國注卽飲此水○何焯校本卽改仰

秭歸本歸國○推尋文義國上衍指歸字注杜預曰夔

國非歸國明矣

零陵陽朔山湘水出注有雍水○何焯校本作有灌水

又有表水又有來水何焯校本作有來水有米水

耒陽有鐵○

臣世駿

按循吏衛諷傳注引續漢志云耒

陽有鐵官較此志多一官字

丹陽郡○陽當作揚

歙注今謂之三王山○本亦作三玉山河焯校本又減

去三字

廬江郡注建武十年省六安國以其縣屬

○臣召南按

建武十年應作十三年後章帝元和二年復改廬江
爲六安國至章和二年和帝卽位復省六安入廬江
此注未明

東合爲大江注圓基周迴垂三五百里○何焯校本減
去三字

安豐注縣南有雞備亭○何焯校本備改人
會稽郡注秦置本治吳立郡吳乃移山陰○立郡吳當
改吳立郡

太末注龍邱長隱居於此○長當作萇
又中有石林○林毛本作牀

婁○監本脫此一縣依宋本添

建城注此地立名上蔡者○臣召南按上文豫章郡戶

口下分注豫章記曰一條三十二字應在此文之下

遍檢本志引書必有所指上文豫章記言上蔡民分

徙此地卽此地立名上蔡之注解也不知何以將豫

章記一條移置于前後人遂無糾正者

南野有臺領山○臣召南按監本於有臺下空一字是

領山亦似縣名矣又彭澤縣彭蠡澤在西監本於彭

蠡上亦空一字皆當連不連

後漢書卷三十二考證